

新疆图志



新疆圖志卷四十八

禮俗

王制曰凡居民材必因天地寒煖燥溼廣谷大川異制民生其間者異俗剛柔輕重遲速異齊五味異和器械異制衣服異宜修其教不易其俗齊其政不易其宜中國戎夷五方之民皆有性也不可推移故古之王者命太師韜軒採詩以觀民風命誦訓掌道方志方慝以詔避忌知地俗命旄人掌舞散樂夷樂鞀鞀氏掌四夷之樂與其聲歌而又命象胥掌蠻夷閩貊戎狄之國使掌傳王之言而諭說焉以和親之協其禮與其言辭傳之其所以達其志通其欲安其俗和其民者莫不因其言語嗜欲習慣之常以曲施其左右裁成之術故記曰禮時爲大順次之體次之宜次之稱次之又曰君子行禮不求變俗秦伯以斷髮文身治吳孔子之治魯魯人獵較孔子亦獵較俗之不可驟變而禮之不可強施也久矣三代之時其所謂夷蠻戎狄者大抵皆在今行省域內而先王猶於

其禮俗競競焉不敢強爲大同蓋遲之二三千年而糅合種類一
道同風之效始著於今日荀子曰禮始乎稅成乎文終乎悅蓋言
漸也新疆自昔夔絕不通中國漢窮西域而後歷代君相力征經
營二千餘載叛服離合有同化外我

朝定鼎聲教西暨冰雪之窟不毛之野氈裘渾酪之族筠冲天篤
之衆逆者雍獮順者弗鬻始則以其種族之人治其種族繼則改
行省設官吏而郡縣之以養以教視同赤子然而宗教俗尙倫理
之間未嘗強而合也飲食衣服言語文字未嘗驟易而強之同也
齊之以政刑化之以禮樂深之以摩漸需之以歲時數百年後用
夏變夷之治其庶有豸乎新疆廣袤二萬餘里人類紛厖各爲禮
俗今區其種曰蒙古曰纏曰布魯特曰哈薩克曰甘回而綜覈其
教無慮兩端曰回曰佛而已至於滿州駐防其禮載在會典流寓
漢民各從鄉俗不復著其同者

額魯特

即明史所謂瓦剌或謂阿魯台之轉音非也元朝今稱衛拉特察哈爾

察哈爾管自乾隆二十九年由張家口外移駐

土爾扈特和碩特

土爾扈特

和碩特制屬新杜爾伯特為四衛拉特前因土爾其特避亂入俄以類特補之仍稱四衛拉特曾奉哈爾齊齊部元脫款太師及者也先瓦刺可汗之裔故屬新制特以額亡今僅存土爾其特和碩特杜爾伯特三種杜爾伯特原收額爾齊斯今歸科布多

蒙古種人也游牧伊犁天山南北及塔爾巴哈台阿爾泰山諸境

逐水草遷徙靡定所冬窩曰玉木種夏窩曰錫林牧所謂之窩 氈房曰色

格勒卽今諺所云蒙古包也房式如覆釜大周十餘丈小或三四

丈當門為上右偏供佛下設箱櫃再下為寶容坐臥處再下則祭牛欄其牆謂之特勒木用柳條圍寸餘以皮

長七八尺立而其門謂之烏迪音其蓋謂之噶拉此頂有一圓圈周圍小孔圍

玉敦以氈為之壁檐謂之庫什克蒙古包內壁亦多用氈圍上置花布常有用絨毯者床謂之鄂

倫人馬牛羊雜棲一室畜有之者馬牛羊別置一區婦女晨起啟氈窗汲水溫

湯提壺灌頭面拭用白布蒙人晨起汲水渠中注之瓶內呼家人同起沃盥烹茶

和以鹽濡以牛溲獻佛而後食之其法煮水煎茶入鹽少許候茶色淡厚以兩匙盪去渣滓調以

食畢男女內外各趨其事執其業午餐亦如之日晏牧者歸取

牛羊乳以備宿餐而後食日落牲畜自牧所歸婦女持盃取乳羔其食湛麵肉於湯

而淪之卽古禮所謂爛也食畢就寢不燃燭籠燼而眠凡食以茶

乳為大宗酥油奶酒均以乳釀之每日食餘之乳置皮帶中以木杵搗之酥油浮於面取油後傾乳於釜釜上安無底蓋木桶一具上覆一釜釜中酒釀涼水水釀餘之乳髓捲為餅名曰奶餅亦有以脫乳酪者釀酒值

客至必延坐盡飲而後已其禮服同於滿人喜著青色兩當冬襲

素質羊裘無去謂之勒楷得擺周緣絨邊副以青紉無邊或以青絨或以青布圍四五寸男女

冬夏單袴出門或貫以羊皮之褲女子布袍無緣綢繆雜佩髮辮

紛繁耳環腕釧指約多以金銀珊瑚珠寶為之矜尚華麗婦人冠

金純氈帽頂結紅絨或紅絲長穗小幘長袍瘦袂接下長帔婦人衣長袍九圍襖

服有事必服之童子冠式不一製與滿漢同其貂皮冠謂之窩爾

圖其式如官帽頂結紅絨漢人多仿效之者孩童出痘謂之熟人始與論婚

未出痘者謂之生人有疾延喇嘛誦經服藥不效則穿耳一孔貫

以金絲墜珊瑚一粒謂其易於養育也婚禮男家贄哈達羊酒請

媒道意哈達有布有絨絨以有佛像為貴諾則結哈達酒壺蓋上媒乃攜壻登門禮見外

舅多姑復進哈達藏膠其內取膠結獻佛座前來者均稱賀謂之哈

達

達

達主蘇特畢漢於是致聘禮羊酒布帛視家有無女家受之分餽

戚友鄰鄙示得婿也親迎到門喇嘛誦經新婿跪拜然後入行謁

見外舅外姑禮迎新婦以歸新婿新婦皆有伴送之人所謂伴郎伴姑是也新婦冠呢簷紅纓大帽

皮鞞朱袍長衿袖腹泣辭父母以衣翳面伯叔兄弟抱持上馬同

騎歌吹導行至門喇嘛誦經男女持羊膀骨拜天地及佛跪地嫂

氏拆新郎新婦髮交合而梳之取結髮之意同起入門祀竈神次拜舅姑

迎禮畢嫂氏引入氈房易婦裝合髮結二辮長垂胸左右嫂氏復

紅布一方餽飴果為禮團坐食茶酒道吉辭彈登木長二尺餘二粒男女背

柳跳舞之名猶繩俗之儼即也雙雙逐隊唱歌為樂三日之內出入言動皆嫂氏導持

之過此始執婦職諸事皆躬勤操作矣凡有妻者不得再娶其有

男女及年而貧不能嫁娶者官長知之鳩眾集貲以助之人死尙

火葬貴人歿浴尸輅以白布膝囊昇至高原平奠柴上喇嘛誦經

舉火焚之骨燼則交相慶賀謂亡者無罪過昇樂壇取灰和藥屑淨土其藥來自西藏名于勒盟又名艾底斯

搏像卜地葬之壘土作塔形亦有尖頂似矮室者常人死則以常服衣冪其尸喇嘛取亡者年命卜地馬載之往誦經投烏鴉狐犬啄噬旁熾火一炬送葬者躍火而歸不得數返顧其尸食盡則大喜越三日不食舉家皆惶惑恐懼不懽謂亡者罪大烏獸皆不食將獲陰罰益復延喇嘛誦經驅烏獸速食謂之天葬葬畢相率遷徙以死者地凶惡絕履跡復延喇嘛誦大經以死者衣服什物牲畜持半施庫倫乞誦經祈冥福冥福厚薄視施送多寡故庫倫喇嘛皆擁厚貲富與萬戶侯等又有人所稱慕爲大喇嘛者藏獨角獸角以之畫地長與尸身齊置尸其上是地卽爲亡者有除一切罪孽非生前有大善不獲遣此遣之則羣舉爲慶子爲父母妻爲夫均持百日服平人則持服四十九日服期不著鮮服髮不梳櫛不宴會嬉遊服闋始出門婦人守節與否視其志無強之者親歿無廟祭忌日然酥燈佛座前焚香奠酒禮拜富者以銀畜送庫倫貧者獻哈達爲亡人誦經元旦至元宵凡十五日爲誦經之期男

女爭攜銀畜茶麵至庫倫告以死者之名祈喇嘛超薦收所禁殺
 牲畜每過佳節子孫延喇嘛至葬處追薦哭奠如儀天葬者誦經
 於室仰空哭奠而已其俗不講宗法曾祖以上無稱祖父曰阿布
 苦祖母曰阿布苦哀吉父曰阿博母曰哀吉伯父曰阿博喀阿卜
 叔父曰阿博喀阿噶兄曰阿哈嫂曰畢里肯姊曰阿格啟弟曰底
 呂弟婦曰底擺哩子曰庫本媳曰擺哩女曰扣肯孫曰阿奇庫本
 父業子受無子者繼兄弟之子或近族者為後不得撫異人子親
 長見卑幼者以吻接面卑幼屈膝拜遞哈達尊長有退還者有不退還者弟婦見夫兄
 奉茶座前有人在側則接而轉遞之不得直遞夫兄之手亦受授不親之義命之坐然後坐問則俯首低聲答之
 賓客至門聞馬蹄聲主人趨出接韁下馬男西女東啟廉讓客由
 右進坐佛龕下客坐在右佛龕下薦乳茶乳酒乳餅奉納什納什係煙葉末加麻黃灰製成久食可固齒少牙疼之症久
 則烹羊留食其不相識者至門必飫以酒食住數日敬如初無辭
 客者貴人官長止其家情禮稠疊屠羊饗客必請視之頷而後殺
 食則先割頭尾肉獻佛乃饗客食必家人圍坐餞咬林村父老爭

攜酒肉壽客謂貴人至其家將獲大福歌以侑之卑幼者至門繞舍後下馬置策而後入壻至婦家以饋熟羊頭及臘骨爲敬蒙古樸誠肫摯人情風俗皆有先進之遺孔子曰吾觀於鄉而知王道之易易也豈不信哉豈不信哉說者謂蒙古崇事黃教家有三子必使二子爲喇嘛此無稽之言也子爲喇嘛與否各隨其家人誓願如作喇嘛必告佐領執有憑書始入寺至佛前頂禮聲鐘鼓號衆賜滿吉名其父母有子死無後報諸佐領則其別子之已爲喇嘛者仍使之還俗奉親不之強也每歲四月官民貞吉祀鄂博鄂博以石堆積高三四尺形圓若塔庫倫喇嘛持法器誦經刲羊以其皮及頭角蹄尾蒙鄂博頂取柏枝插其上而以哈達懸結四周官長率兵民自左之右繞走一匝一行禮且走且歌一人唱之百人和之類皆禱祝太平之語祀畢年壯子弟相與貫跋馳馬以角勝負貫跋者分東西列二人躍出場抗空拳相持搏格勝者扶負人起相撫慰官長高座監鬪連勝十人者爲上以次至五等其賞皆有差馳馬者羣年少子

弟選善走名馬集數十里外待命鬪勝負整檝節齊月題治鞍筴
恐其蹶於蹄也爲之刻其甲欲以輕其足也爲之剔其毛慮其篤
於行也爲之餓其腹緩之驟之控之縱之聞角聲起爭叱馬鞭其
後疾馳趨鄂博先至者謂之奪彩其賞亦列五等各得銀布有差

五月復大祀鄂博禮帥初

是日人馬益加衆即漢人
禮記山川醜除災疫之義

十月二十五日爲祀佛祈

壽之期官民相率懷資赴庫倫喇嘛設壇誦求壽眞經高構木棚

羣攜自製酥油燈

大如
酒杯

密奠棚上

一歲燃火一壺十壺合
爲一續計年之數而燃之

距庫倫遠者則咬林

諸衆自堆鄂博燃燈祀之春秋佳日諸庫倫喇嘛駕佛巡遊謂之

轉默忒

春巡一日
秋巡三日

家家獻哈達夾道跪拜首觸佛座祈幸福林總林總

衣履絜齊是日飲茶不殺牲蠕蠕之蟲肖翹之物皆不傷折謂違

是則撻天怒佛不福祚也蓋其犷教迷信習久性成西人所謂種

可絕國可滅其積俗不可移者異族之人大抵皆然不足深怪獨

怪西域氈裘乳酪之民強耆鈔掠自古爲邊境患今一受羈勒而

窳惰蒙昧偷敗乃至此極孔子曰君子居之何陋之有蓋必有道

焉以化其陋而非任其盱盱睢睢長此以終古也

纏回者漢西域城郭國諸種人也高鼻深目多髭鬚與泰西島民

狀貌相類但眸子黑耳天山之南種族蕃庶而分居疆北者亦所

在皆是自昔聚族而處閭閉房舍皆與漢同而門多北向

並可堆積薪富室高構重樓如蒙古包形砌土為榻高尺餘以木鋪穴牆為爐圓上

而方下其高三尺突出屋頂謂之務恰克燃之則一室溫和牆中

皆穿洞為閣皮藏食物謂之務油克屋頂開天窗洞達陽氣謂之

通溜克四壁堊穠飾以人物花卉競為潔麗富家巨室屋旁多築

園林溝以渠水為銷夏燕游之所謂之博斯坦市居者門左右築

土為臺旅陳估貨謂之巴札爾器用衣服飲食多同哈族衣曰裕

神圓極而窄袿男右袿環帶女有領無袿橐首而下生子則當膺

開襟便乳哺也內襯長襦下及膝男子華冠鏤金刻繡冬以貂獺

皮為沿夏以絨女子冬夏皆用皮前後插孔雀文鞞毛尾為飾其

障紗謂之春木班絡髮謂之恰齊把什

富者結紅絲成繩上綴細珠寶石珊瑚諸物

鞞之高底者

謂之玉代克平底者謂之排巴克履謂之克西皆牛馬革爲之入

寺禮拜必解履門外此西俗之大同者男子毀齒行割禮生四五歲割勢皮一周

舉家稱賀稍長則尋爲朵斯朵斯者男女交好之辭也配偶之制

惟同出不婚納采納徵豐約視家有無事定則延阿渾誦經間立

判書爲信親迎之日新婦帕頭騎馬導以鼓吹至夫家誦經成禮

易恰齊把什爲婦人裝束即雙股髮辮也其俗女子于歸無過十五齡者年

逾二十容色催殘同於老婦夫妻離異謂之羊堆夫棄其妻者家間什物任妻取攜妻去其夫者室中諸物均不

得持取子歸其夫女歸其妻離異一年之內生有子女者夫皆承認之離異逾六月始許更行嫁娶望其悔而復合也

離異三次回律無再合之條儻欲合者夫妻必與他人姦宿始允

復合其法蓋爲人之輕於離異恥之也夷俗之淫陋大都類此故

婦人鮮從一夫以終者其喪葬之制人死延海蘭達爾集屋上誦

經猶今之香火道人戚友來弔唁賻贈銀畜卽日以白布絞尸納穴中阿渾誦

經家人皆純素冠帶子女之於父母妻之於夫若兄弟親戚持服

四十日或百日不雍髮不華衣封土爲墳謂之麻札或長或圓形式不一上飾馬

牛羊角尾富家有覆綠令適者間築廬墓側聘明經典者守之朝夕誦誦謂之唸素爾春秋佳節滄羊肉糜墓祭謂之散尼牙子不建廟不樹主有子者財產歸子其女與前妻之子得分子之半無子有女者財產歸女子女俱無者不立嗣撫他人之子不得分財產兄弟及親戚均而分之其妻無所出者祇分女所分財產之半子先父母死父母財產例不得及於其孫其族有名無姓氏父曰達旦子母曰阿浪子祖父祖母則曰穹達旦子穹阿浪子穹者大也猶華言大父大母也兄曰阿干子弟曰伏干子夫曰伊引子妻曰和通其伯叔舅姊皆以呼兄者呼之甥壻妹姪皆以呼弟者呼之餘則無尊卑長幼概呼以名而已其教專祀天尊穆罕默德爲賠昂伯爾譯言天使也七日禮拜入寺誦經謂之朱瑪每日五次誦經謂之納瑪茲日未出謂之傍不得未時謂之撒羅西時謂之的格爾日落後謂之沙瑪皮時謂之火不得歲法以三百六十日爲一年先期四十五日以葫蘆燃膏懸之樹阿渾誦經衆人羅拜夜闌燈燼蹴葫蘆於地爭蹋碎之以消災癘謂之巴把提又十五日

齋戒晝禁飲食謂之若茲

布得特謂之瑪加克

言齋期也彌月開齋度歲鮮衣華

服喧填鼓歌男女往來相稱賀如是者七日謂之若茲愛依提又十七日刳羊祭教祖先世謂之古爾巴愛依提卽一歲之終也其走謁穆罕默德墓者謂之阿吉道死爲上返者次之故多以此傾產墮業不稍顧惜其仰天祈禱跪而端手齊胸誦經謂之斗瓦平民相見無跪拜禮式遇尊長交手撫胸俯首誦賽拉瑪里坤帖斯列海再合手摸面以爲親敬女子相見以鬢相撫掩尊長與卑幼相接以脣宴客以多殺牲畜爲敬瓜果餽飴湯餅肉臘之屬几案紛羅叉手大啖樂賓之樂以鼓爲主大鼓以枹擊者謂之東不拉小鼓以手搗者謂之達普木管謂之娑拉伊葦筩謂之拉伊三絃謂之拉瓦普兩絃謂之色哈銅絃謂之彈普絲絃如琵琶者謂之斗塔如洋琴者謂之喀龍男女當筵雜奏唱歌女子雙雙逐隊起舞謂之佷郎間亦有男子佷郎者淫聲哇辭可以知其俗矣然其民重信敬老親仁簡質循法以醉酒爲恥以貸貧民取息爲大惡

其俗信誓者以足踏資而言謂之昂無孫重則抱經以誓無不
唯命者其鄉各設百戶長曰玉子巴什十戶長曰溫巴什凡稽戶
籍均差徭催科禁姦結暴諸事皆以之其司水利者曰密喇布伯
克司分水者曰扣克巴什凡濬渠瀆築槓梁植樹木計畝均水勸
耕諸事皆以之其司盜賊者曰拔夏普凡捕竊盜守亭障峙委積
授館送逆諸事皆以之其司禮拜寺者曰伊瑪木凡誦經講善和
訟解紛諸事皆以之州縣官吏又於城中設總長一人謂之鄉約
有大興作徭役鄉約分檄各長皆咄嗟立辦此蓋古鄉官之制治
之有道則一變至魯猶反手耳說者謂伯克恣睢虐民殘傷其類
者無所不至故前巡撫劉公錦棠奏改行省裁伯克之權一統於
州縣所以救其弊也雖然以冠帶之族治化外之民言語不相通
文字不相識勢不能不藉舌人以宣達之倚頭人以號召之假威
肆虐上下欺謾無伯克之名而有伯克之實民之罹其毒者乃益
加劇焉吏治之不修久矣大府聯公撫新之歲惻然爲釐賦章薄

稅斂慎選廉吏而禡其不職者民歲省財賦二百餘萬金而又督課官吏習纏人語言文字檄諸州縣選集若族聰俊子弟誦讀儒書學漢語以爲異日鄉官自治之地詩曰螟蛉有子蜾蠃負之教悔爾子式穀似之夫蜾蠃以異物之子負而教之曰似我似我久之未有不化者而况於人之易化者乎孔子曰夫政也者蒲廬也蒲廬者蜾蠃之謂也

布魯特者漢烏孫休循捐毒諸種人也

東布魯特爲烏孫兩部地西布魯特爲休循捐毒二國地

散處於喀

什噶爾英吉沙爾蒲犁葉城烏什諸邊境其俗好利喜爭尙牧畜

事耕種與纏回同教而頗畏法度問其家之富則數畜以對其牛

羊重雪水飲不雪則延毛拉咒經以繩繫龜壳一活蝦蟆一懸淨

水上咒之龜背浸浸見水珠點頃刻卽雪謂之下割答有病者毛

拉禳之屠羊於前擊鼓踢舞謂鬼附羊身以滅蓋三苗巫教之遺

也其穹廬曰那哈阿依木架氈墀圓如覆磬其壁衣之華麗者以

五色花氈彩絲絛之富家一幕有費千金者

氈上用莢草紫五色絲線或羊毛織成花氈絛之外障以方格木架房頂飾以五

金花龍光
彩紋日

黠稔薦地無牀榻倚桌值門置小竈駕三足鐵爐謂之格爾

加克家長居其下右處賓客稚幼居門之左僕役居門之右爨則

糞以代薪汲水以羊皮袋謂之通拉亦有以葫蘆者謂之腦蓋銅

壺謂之沙瑪銅壺高尺餘上有蓋下有足中置火筒烹水用之鐵釜謂之喀章釜重數十觔或十數觔上有四耳烹飪用席地以布承

食以槃有銅鐵木三者方圓異形即古之所謂於禁通名曰案今則通名曰槃切肉以刀握飯以手澡浴以繩佻大腹

細頸沙瑪灌頂至踵謂之密什雀可其服飾多與纏回同身披單

襦冬冠他瑪克夏冠斗破女則摺疊白布絡頭垂背尺許阿渾之

帽上銳而高簷以白布綰之厚二三寸脫帽為敬入門必解履婦

女出必以障面障面或以白布或以花巾邊垂絲穗皆古制也婚姻之禮納采親迎皆同纏

俗女入門男女對座以鹽水湛餅而食猶合巹也次日見翁姑家

人長幼以次相識均交手鞠躬曰賽拉瑪理坤猶問安也一夫衆

妻無嫡庶婦多從一而終者夫妻反目則延阿渾誦經以調之再

醮則先兄公與叔無兄弟則適族人無族人始改嫁異族此財聘

之弊同於市估自秦以西君子不忍觀也於布纏又何責焉其俗

向不講宗法自曾祖以上無聞焉蒙回之俗大抵皆然其父母及夫死無三年喪葬畢除素服著青衣有墓祭期年開筵享客戚友羣以牛羊相問遺爲設刁羊之會或植高竿爲的礮射角勝負其教專祀天其歷法齋期一遵回制不食彘不飲酒宴客薦牛羊酸乳貧者湛麵爲湯富者以馬乳茜酒燔羊肉大米爲飯賓主之間情意周洽濃至少詐虞者其民易使敬畏官吏斯足多耳嗚呼布族自歸誠之後世守邊圉國家常虎擾而兒畜之疏節闊日以相糜繫中俄畫界各有分民爲官吏者往往犬羊蟲介其人鄙爲異類相與剝削而野困之幸而彼國之政兄弟耳不然其人其鹿將爲德不德者徵也往者伊犁領隊大臣志銳怒然書告大府蠲除官吏無名之徵及其絲稅今巡撫聯公復奏免馬租銀兩

歲納銀兩二千兩專

司偵卡倫平道路諸役可謂勞徠綏輯得其民有道者矣

哈薩克者漢康居種人也散處阿爾泰山塔爾巴哈台伊犁北境無城郭廬室逐水草事遊牧四時結穹廬褚以駝絨枕則著以天

天鵝之毛

其地藉以藉色絨毯毛氈織木榻各異其式尚舞重疊厚至數尺枕方圓各一眠時用薄被覆之其頭人間有建築土屋以禦寒者

入門贏三尺設火鑪

鑪旁置銅鐵水罐烹茶炊飯以糞代薪羊糞為上駝糞次之牛糞

又次之馬糞為下

以其一然即燼也然作引火其利

其俗喜食薰燔諸肉而馬臘腸為欸

客上品

製馬刷三四歲者切細胎以五味和之實諸馬腸長三尺餘而以筋束其兩端名曰馬臘腸焙乾煮食以行貴客

其男女所服之衣貴賤不分

名曰袷袂圓袷窄袖不結紐長施於膝男敞前袷以左袷掩腋束

之皮帶帶刻金銀嵌含珊瑚珍寶諸石左懸皮囊右佩小刀婦衣

較長當胸純以金絲編緒綴以環鈕衣之前後繁繫小囊

盛零星什物便於取用

男女衣皆以黑色為上白為次雖盛夏裨襦襖複以蔽日光春則

外襲皮裘厥名曰恫富者以貂獺捨狽諸皮貧者羊裘澤身襯白

布及五彩單襦有袖而無袷女之襖衣下圍如繞領其長曳地男

子著皮帔高帽內襯燥頭女子皮帽方頂闊簷嫁後則以花巾斜

圍頭上逾一二載其姑為換戴白布面衣名曰雀洛什其製以白

布一方斜紉如袋幪首至於頰而露其目上覆白布圈後帔檐檐

然下垂肩背

長二尺餘

見者知為婦裝也皮靴謂之玉底克皮襪謂之黑

斯皮鞋謂之克必斯皆以牛革爲之婦女較窄小踵底之木高二

三寸連靴鐵釘踏地錚然作響斯爲美耳其入室也脫之門外室

中人數視履而知婦女出門必乘騎以花巾爲幪此古禮之厪存

者富女髮辮金寶續紛面不施脂粉喜著臂釧左右各具一女子耳貫

珠環婦人有面衣去之不復著多以寶石珍珠嵌爲約指有一指四其

頭人以銀製約指鐫回文名字其上書立約券多以此樵之爲證

其俗向無冠禮嬰兒四五歲父母擇日徧告戚友延莫洛大誦經

行割禮諸戚友相率餽物致賀富家大族則殺羊馬饗賓客爲賽

馬鬪跋之樂婚姻喪葬僉以此爲盛舉過此無恙始得論婚學騎

馬教之控縱坐踏諸法五六歲時騎之馬上以小袋繫於鞍之兩旁上下以帶故其部以善

騎著名縱馬疾馳率能起立馬背作盤旋舞竦身拾物於地其敏

捷如此少不薙鬚惟常翦脣髭便湯飲十日一薙髮三日一削爪

同於洋俗兒童小帽謂之克擺什以五色絨絲組織之上繫訓狐

毛名曰玉庫爾避邪崇也年十三四則以金絲緞及雜色綢布製

俗

為小幘四時均加皮帔高幘謂之突馬克其上用貂狐之毛或用羊皮然視家之貧富為之其式六方

頂高三四寸後帔長尺許皆皮裏也戴時露口眼於外冬日以絮

霜雪夏亦帽無露頂者大小頭人進謁官長皆呢邊紅纓大冠間

置翎頂其上以示尊異其婚嫁之禮唯同乳不相妃妃者不問門

戶年歲視聘資多寡富人往往致馬千匹牛千足駝百峯銀二三

千兩媒灼入女家議定財聘偕其父若母或其昆弟為踏水之禮

媒人議定銀畜之數女家許諾即借主婚之家長至河干躍水而過有因此致跌折肢體而不恤者其俗謂之為踏水蓋一經踏水即無悔心也過此則女家時時往索銀畜

交價逾半其婿得朝夕入女家同寢餐為夫婦交納財禮之數如已過半其婿即入女家拜見外舅外姑留食留宿夜間

由嫂氏攜女送婿臥處家人偽為不知者一宿之後其婿隨時往來儼成夫婦不復顧忌矣唯交不盈數則終身不得迎娶女如有身設法墮之親迎

之日媒攜新婿納采帛次第進見女父母伯叔兄弟握手鞠躬為

禮婿家男婦聯騎同行猶漢俗之伴即肉食而後返其見外姑則別以良馬奉之酬乳哺之恩也女子

將出門辭父母握手接脣一人至親之人抱持上馬紅巾幘面首並騎以

行至門扶入氈房莫洛大回人主誦經者高捧潔水一盃口喃喃誦經飲新

郎新婦猶漢俗交杯之意並普飲同座者夜則諸男婦雜沓調笑吹彈唱歌跳

舞爲歡樂

猶禮俗開新房之意

盡興乃各散去次日嫂氏爲改婦裝梳合十數小

辦爲兩大辦稍結紅繩長垂齊足跣以彩巾帕首拖背後服黑色

袷袷繫紅裙嫂氏扶見姑新婦握生牛油檪爐中光焰滿室以爲

吉祥鞠躬就座姑置木盤堆積肉食嫂氏操刀代割奉姑復徧進

座客環匝而食之敬聽姑訓辭俾躬親灑掃諸事

姑率新婦同歷家中先使灑掃火爐爲掃職之始

此

後入姑室揭氈簾問安入門依左立問安至火爐側問安出門則

以紅巾霧面而去其俗以翁媳不相見爲禮遇則背立帕掩其面

貧者亦三二年後始得相見男子娶婦不許過四人嫡妻執家政

諸妾同操作而已夫妻反目願離異者則延頭人戚黨論是非曲

直其夫指應出條事賠嫁貲遣之去其妻請離異者則一切什物

概不得持取衆反復諭之不聽乃立離書摹手足頭人用戳印爲

據謂之羊土耳其兒若女均歸諸其夫婦不復問也夫死婦不得嫁

異族

謂其以銀畜換貴夫家自有之人也

其夫之兄弟娶之不願再醮者亦弗之強也其俗

親死不居喪不奠祭惟舉哀而已死則速葬不宿人病延莫洛大

誦依滿經耳側經言死後復生善地之意既歿取淨水洗尸以阿和乃哆即純白布密繳而

堅絮之奠板上覆以常服之衣莫洛大率其家人往拱不耳猶漢人之義地

窆地為長方穴昇尸選其中頭北而足南面西向亦有旁開一穴安放尸身窆門閉以木板者西向者朝汗之意

也杜門壘土為墓會葬者誦經而後返其墓或圓如蒙古包或長如棺形無定式其禮未葬衆不

得飲食至是始大嚼莫洛大攫死者衣物以去既葬四十日以內

皆誦經莫洛大多者至二三十人少亦三四人竣事各酬五歲馬

一匹亦有報以銀者富者初周之年設宴會親友多親馬駝敬客至者賻貨

財賄牛馬羊駱駝量力大小自絮氈幕聯結墓左右為馳馬鬪捷

之戲是日也童子年不盈十五者跨馬至會所報名以次編第萃

集數十里外整鞍按轡而立聞角聲起馭騎飛馳疾如驚矢先至

者居第一以次至四十騎而止餘不錄第一酬銀畜值千金其下獎各

有差遠近慕嗟以為矜寵近歲千戶長唐古忒為其亡父千戶長壽薩周年中俄親屬如期而至者四千餘人甌房三百餘頂裏講中俄官長到會彈壓其供上人皆馬駝上品之肉一

房給羊一隻以食僕人是日乘馬者二百五十餘騎第一騎酬元寶銀十枚駱駝五隻以次皆有旌賞是會也費二萬餘金其俗夫死婦皆毀容戚友弔唁者

對之痛哭以抓面流血為戚否則鄙笑之以為無情婦之於夫子

女之於父母喪服無定制類持服四十日不出門不宴樂無墓祭
然時延莫洛大誦經以薦亡人蓋亦追遠之意也其族樸誠簡易
待賓客有加禮戚友遠別相會必抱持交首大哭儕輩握手樓腰
尊長見幼輩則以吻接脣既坐藉新布客前設茶食醴酪貴客至
則繫羊馬戶外請客覘之始屠以饗客殺牲先誦經馬以菊花青白線臉者爲上羊以黃首白身者爲上
血淨始烹食然非其種人宰割亦不食也每食淨水盥手頭必冠
儻事急遺忘則以草一莖插頭上方敢就食否則謂爲不敬食掇
以手謂之抓飯其飯米肉相淪雜以葡萄杏乾諸物納之盆盂列
布毯上主客席地圍坐相酬酢割肉以刀不用箸禁煙酒忌食豕
肉呼豕爲喬什罕見卽避之性尤嗜茶以其能消化肉食也客至
門無論識與不識皆留宿食所食之肉如非新割者必告之故否
則客訴於頭人謂其寡情失主客禮以宿肉病我立傳其人責而
罰之故賓客之間毋敢不敬也其教祖穆罕默德不祀天神人鬼
以敬上帝爲宗富者橐金走謁穆罕默德慕謂之朝汗歸牧後去

帛服布衣名曰阿吉以白布重疊匝纏其首名曰賽里特尊異之
 謂自汗所來也遊牧夥人爭訟者皆就折之無不唯命晨起男婦
 趨水濱浣手滌面浴下體一日五誦經遊牧無寺院面西方禮拜
 行路者屆時覓水盥沐無水則撮淨土代之禮拜誦經無日敢忘
 忽紀年無甲子數之以十二象月不置閏以三百六十日為一歲
 有長齋期一月始畢期內早晚均不飲不食必日落星燦始敢受
 餐禁食之末日開齋過年謂之小年越七十日始過大年男女老
 少著新衣美服相往來依麻目率眾西向誦經禱祝公舉莫洛大熟禮畢
 經典者為之
 握手相慶三日之內唱歌跳舞相與為刁羊之戲刁羊者剽羊槌
 於地羣年少子弟飛騎拾之擲諸馬上彼此馳逐相攘奪支解血
 肉赫然剝落眾人隨之以攫一櫛致親友為吉祥喜事受者必亦
 厚報之其族素不講宗法無譜牒可稽父業子受無子者繼親族
 兄弟之子為後父死則均其財產子與女共分之其俗與纏人大
 畧相同自祖以上無稱述之者回人之言曰厥初一人生二男子

一子強狼好盜竊不事耕作其父逐之是爲哈族之祖一子巽懦畏事是爲纏族之祖其說乃好事者爲之不足深信惟其種人椎剽雕悍騎怒馬若踞平地殺人劫貨輕死作姦習慣自然有若天性韓子所謂好則人怒則獸者此其類也中俄畫疆而後兩國之民非其朋黨則其親戚彼此相依爲奸藪控馭失術則挺而走險適足爲敵國叢毆利耳夫避苦就樂適安土人之情也官斯土者視爲非種其去留不甚愛惜日魚肉而刀俎之其人涕泣相率自救死竄藏內地山谷就水草偷活大府怒然迫於禁令毆哈之檄交於四邑文武官吏冒風雪犯炎暑奔走於荒崖大磧之中近且十年財費至鉅萬而逃者來者歲歲如故且加衆焉譬之於水源之不清而冀其流之不濁未見其能有一當也今阿爾泰山設有專官矣其亦有鑒於斯而幡然悟乎

甘回者

漢裝同多從河湟邊徙者故別之曰甘回

突厥種人也鼻高而眼微陷男剔首女纏足居

室衣服皆從華製惟寺中禮拜戴六稜冠上銳下圓五色皆備而

白者為多以羊鹿皮及布褐為之有六纒十二纒至二十八纒四十纒五十一纒不等蓋即古時皮弁之制周禮天子皮弁以隨大祀六經圖考皆繪其形注云

上說下同鹿皮為之用十二纒此古時之通制也市井貿易之徒率戴白帽男子年十二女子八歲謂

之出幼天方經言既冠而婚據此必有冠禮今亡矣屆期延師誦經以謝造我之主生我之親教

之禮拜諸式責以成人之禮婚姻皆家長主之行媒締之問名納

聘以茗一緘銀一器少至一兩多至二十四兩為禮男女主婚者握手以天經為證

納徵豐儉視家有無親迎之日婿乘馬至女家外舅迎入無外舅者家主迎之拜

於堂命之座父母誡女於室女拜辭以幃巾冪首登車婿出門而

先女從之抵家下車入室姑去巾命座主人禮賓於堂饗送者夫

婦成禮媒氏舉案婦前婿入合饌饌畢請盥男先婦後以婦盥之餘水傾少許於室之四隅延老婦

童子婦夫婦並坐中老婦之通經典者教之夫婦之道與婦除飾下幃出翌日婦出見舅姑子拜告

父母伯叔乘馬往見外舅外姑三拜而返三日婦入厨操割彌月

而後歸甯妻無故不得出則必告官吏或聲於寺之主教者防

反復也喪葬不棺不立主不獻不祝病者垂死遺言書於方如平日欠齋屬補及

還負人財物屬償或委託重事或預許義舉等類既屬纊首北足南面西鄉亦有首東足西者誦經即清真語也更衣易以新衣無則易浣

濯之衣至浴時始脫之
遷尸於床覆以衾衾以白布為之長六尺闊四尺雞鳴設浴床設浴床於尸床之側浴者二三人男浴男女浴女浴者

盥手徹衾去死衣喪大記始死遷尸於床用斂衾去死衣鄭注云去死衣病時所加新衣及復衣也去之以俟沐浴今同禮正同此遷尸於浴池以布

幅覆下體焚香傳鑑天方典禮云池之左右各立一人足下立一人執鑑焚香周便互遞由右而左三遍執瓶沃水以浴拭用二

巾先沐而次鬻次足浴上體以一巾拭之下體以一巾拭之不梳髮不齊髭不翦爪婦人梳髮析二辨以繩

束其末覆衾斂設襲床設於浴床之側即用尸床藉席奠枕斂者盥手鋪大斂用

布三幅長等身上下贏七寸廣四尺五寸鋪小斂加於大斂之上布長與身

齊廣如大斂施香屑鋪襯衣鋪於香上揭其前幅置北首長自肩達於踝一幅兩移尸於上掩襯

衣由前後掩於前塗冰片塗額鼻手足及膝加冠巾巾尾垂面反乎生時乃斂先小斂後大斂俱先向右掩後向左斂婦人著襲衣髮

辨分垂其上前施裹胸布一幅長三尺析其兩端之緯深四寸橫

而結之絡頭用細白布一幅長三尺裂布為帶縳束以葬小斂大斂皆用布無用絲者所

謂衣亦布也綴衣布短至大斂以次而長禮記王制云絞衿衾冒死而后制絞所以收束衣服為緊急也絞與衿皆用十五升布為之於五幅冒所以緝尸謂如直繩上曰質下曰殺其用法先以殺足而上次以質首而下齊於手殺長三尺彙喪大記鋪絞衿

謂鋪衾鋪衣鋪邊尸鋪斂衣鋪斂衾鋪斂絞衿鋪回制之親衣即禮之所謂衣也小斂之布即禮之所謂衾也大斂之布即禮之所謂絞衿也死而浴浴而斂其禮大致相等葬不出三日穿穴奠

尸閉隧封墓孝子遵遺屬次第舉行朝夕省墓亦有廬墓側百日

者三年不宴客不戲遊不嫁娶冠服皆素皂遵王制也父母生歿

之日誦經刳羊以祭取膏煎麥麩爲餅分遺戚黨謂之油餉貧者不之強也其教專祀穆罕默德聖誕聖忌皆祭之紀年十有二月

不置閏天方典禮云天方以日行一周天計三百六十五日又四分晝夜之一爲一歲以月行十有二月計三百五十四日又三分晝夜之一爲一年歲以步天時年以紀人事凡屬典禮者皆以十二月一周計之每十二月中齋戒一月

一日五時禮拜七日一小會謂之主穆耳月齋雞鳴而食星燦而

開天方典禮云月朔時視月見光則明日齋若有雲氣蒙蔽月不得見則僅足前月三十日於第三十一日齋謂之勒默咱齋期有故破齋一日

者補一日無故破一日者罰二月否則食貧六十人人麥二觔天方典禮

七十日又大會會之日無貧富貴賤長幼皆澡身盛衣冠入寺序云凡疾病或旅途感婦女經期或產後或乳孕受傷破齋者補無故破齋者除補一日外仍罰違齋六十日彌月齋事畢天方典禮云月大齋三十日月小齋二十九日以見月爲例大會越

跪聽讚頌各施數十錢於寺謂之費的爾譯言佈施也回民相慶

弔無叩首禮示不敢當教祖也入學堂者飲食教誨不取學資皆

禮拜諸寺給之其字二十八母橫行直書讀者自右之左用阿拉

伯音經回所用之字爲法蘭西音與纏回異寺中司誦讀者曰掌教司事者曰社長教

授經典者曰阿渾號召大眾者曰滿爾金誦經者曰海提卜其教

重愛羣合衆有不能自存活者相與助資財謀生聚遇餬口遠人

資而遣之死亡未有不收瘞者食肉禁犬豕戒煙酒刳牲必延師
經誦不信堪輿巫覡不演劇不置木偶污濁之水不以沐浴解疑
仲屈捧經決之凡營造遷徙以禮拜四日爲吉三日爲凶此其大
較也新疆之回安土樂業家多小康自河湟諸族竄居南北兩疆
立道堂逞邪說分門植黨肆其蠱煽以謀作不軌雖狗鼠么醜自
取膏斧鉞而梟黠之子呼召朋類包藏禍心嘉峪關東西道上歲
往來如織肘腋之患蓋未有艾也往者嘗觀天方性理禮法諸書
其敕五典正民常皆諄諄於教孝教忠之事而淫殺賊亂尤爲彼
聖之所必誅其視儒者之道無或歧也流傳至於今日抱經之士
旣束焉而不觀奉齋之徒更懵然而莫解於是穆罕默德之大經
大法盡失其傳而區區飲食之微嚴爲畛界甚至以彘肉觸其忌
者輒視爲不共天不同國之仇報復相尋慘無人理至使世之惡
其族者並斥其教爲洪水猛獸之不若焉穆氏有知當亦目擊之
而愀然心痛者矣

蒙民恠而愚繹民巽而惰布民質而鄙哈民竭而賊回民狡而殘
以無信爲辱以無禮爲恥敬老親上不侮矜寡蒙民有焉然篤守
宗教迷信不變寡知識無長慮蠕蠕以活蠢蠢以死此其弊也畏
罪循法度不報無道柔而易制繹民有焉然其性舒懦怯於衆鬪
緩急不可恃又懶惰偷生無積聚淫蕩近於禽犢此其弊也恭順
事上樸厚重信諾耐勞苦恥爲盜竊布民有焉然好爭重利輕剽
躁急反復喜變亂此其弊也善騎好勇衽金革不避險阻不恤死
生哈民有焉然其人羯羗不馴好椎剽劫掠殺人作姦以此相矜
詡此其弊也薄飲食忍嗜欲勞力耕作廢居遠行賈善居積財貨
恥游手仰食於人甘回有焉然貪詐雕悍喜亂惡安臬黠之徒各
執一教雄長讐殺殃及異族誅之而不懼勸之而不德深閉固絕
自爲風氣此其弊也夫纏布哈皆回教也然其所信者僅一阿渾
誦經誑騙財物而已於人無惡也甘回則教主植門戶爭權勢分
爲新舊裂爲四五睚眦忿爭勇於持刺犯上作亂習以爲常漢回

相讐殺戾若水火冰炭睜睜然如防大敵十餘年以來河湟之族
歲出關者少亦五六千人盜竊之風徧於四境白索之亂滿蒙之
民遭屠戮焚擄者不可數計子遺零落孱焉衰憊幾不克自存孔
子曰吾恐季孫之憂不在顓臾而在蕭牆之內也其斯之謂乎爲
今之策惟有誅廢教主而罷其權仿古比閭族黨之制專設阿渾
主經典掌其禮俗而後多立學堂漸之以仁義化之以詩書潛運
默移和其種族則亦庶幾乎其有濟也孔子曰善人爲邦百年亦
可以勝殘去殺矣烏呼安得若善人者而與之爲邦也

六十一
人
六十二
人
六十三
人
六十四
人
六十五
人
六十六
人
六十七
人
六十八
人
六十九
人
七十
人
七十一
人
七十二
人
七十三
人
七十四
人
七十五
人
七十六
人
七十七
人
七十八
人
七十九
人
八十
人
八十一
人
八十二
人
八十三
人
八十四
人
八十五
人
八十六
人
八十七
人
八十八
人
八十九
人
九十
人

新疆圖志卷四十九

軍制一

歷代

昔在兩漢盛時事征西夷廣威德西域羣胡交臂受事於是乎設都護置長史以鎮撫之夷考其制所將不過屯田之卒弛刑之士數百人千餘人耳其所資以威胡者亦惟取諸各國所謂某國勝兵數百人某國勝兵數千人咸受都護長史節制徵調而已而其卒伍之定額糗糧之實用卒不得而詳焉唐初建十六蕃州而皆統於都護府其事可謂盛矣然而析圭不出酋長之間守捉每在千里之外名曰統御實則羈縻而已所謂以夷攻夷者其用意殆與漢同獨安西北庭兩節度置官屬定兵額惜其未久陷於吐番元世祖平西域玉門陽關以西設三元帥府控制周匝規模廣遠再傳而後舊制蕩然夫當漢唐之時猶曰土地人民本非其有徒醜言於一時之威帖耳就軼故其制亦暫而不可以久耳若元世祖

有其土地人民矣然海都叛割蹂躪無遺迨海都死而元社亦墟其故何歟豈非天命未著而力征經營之固未可以長恃歟惟我高宗應天順人克翦方命奄有西土乃定換防之制設將領之官列戍開屯燦然明備煌煌乎駕前代而上之及我

德宗收復全疆開行省設郡縣立標營罷屯防一變

國初之舊邇復參用西法汰標兵練新軍爲固圉綏邊之計自乾隆至於光緒之末新疆兵制凡三變夫椎輪者大輅之始也土鼓者雅樂之原也爰稽前代迄於

本朝審因革之殊軌識時務之攸宜撮而觀之可以得其梗概矣周衰戎狄錯居涇渭之北秦始皇攘却戎狄築長城界中國然西不過臨洮漢武用張騫之言思通西域以斷匈奴右臂遣李廣利攻降大宛西域震懼多遣使來貢獻於是東至敦煌西至鹽澤往往起亭障而輪臺渠犂皆有田卒數百人又置使者校尉領護以給使外國者此爲西域駐兵之始然當是時軍旅連出師行二三

十年海內虛耗征和中貳師將軍李廣利以軍降匈奴帝既悔遠
征伐而搜粟都尉桑宏羊與丞相御史奏言故輪臺以東析枝渠
犂皆故國地廣饒水草有溉田五千頃以上氣溫和田美遣屯田
卒置校尉三人益通溝渠種五穀與中國同時熟田一歲有積穀
募人壯健有累重敢徙者詣田所就蓄積爲本業益墾溉田稍築
列亭連城而西以威西國輔烏孫爲便以安其意帝既深陳既往
之悔乃下詔曰前有司奏欲益人賦三十助邊用是重困老弱孤
獨也而今又請遣卒田輪臺起亭隧是擾勞天下非所以優人也
朕不忍聞寢其議昭帝元鳳四年霍光用桑宏羊前議以扞采太
子賴丹爲校尉將軍田輪臺旋爲龜茲王所殺嗣樂軍監傅介子
刺樓蘭王朝廷乃立王弟尉屠耆爲王更名其國爲鄯善爲刻印
章賜以宮女爲夫人備車騎輜重丞相率百官送至橫門外祖而
遣之王自請天子曰身在外久今歸單弱而前王有子在恐爲所
害國中有伊循城其地肥美願漢遣一將屯田積穀令臣得依其

威重於是遣司馬一人吏士四十人由伊循以鎮撫之自此兵制
漸立矣蓋前之兵為給使計此為戍守計也至宣帝遣衛司馬使
護鄯善以西南道神爵三年匈奴日逐王來降護鄯善以西使者
鄭吉迎之乃因并護北道號曰都護於是徙屯田於北胥鞞莎車
之地中西域而立幕府以烏壘城為都護治所督察天山南北兩
路諸國而屯田校尉亦屬都護焉是時南北各國皆有勝兵若干

人自數千至於數百皆受命都護稟節制

漢書西域傳鄯善國勝兵二千九百十人且末國勝兵三百二十人小宛國勝兵二百人精絕

國勝兵五百人杆彌國勝兵三千五百四十人渠犂國勝兵三百人于闐國勝兵二千四百人皮山國勝兵五百人西夜國勝兵千
人蒲鞞國勝兵二千人依耐國勝兵三百五十人無雷國勝兵三千人龜兜國勝兵八千人莎車國勝兵三千四十九人疏勒國勝

兵二千入附頭國勝兵八百人烏孫國勝兵十八萬八千八百人姑墨國勝兵四千五百人溫宿國勝兵千五百人龜茲國勝兵二
萬一千七十六人烏壘勝兵三百人渠犂城勝兵一百五十人尉鞞國勝兵二千人危須國勝兵二千入焉耆國勝兵六千人烏貪

營隆國勝兵五十七人卑陸國勝兵四百二十二人卑陸後國勝兵三百五十人都立師國勝兵三百三十一人單桓國勝兵四十
五人蒲類國勝兵七百九十九人蒲婁後國勝兵三百三十四人西且彌國勝兵七百三十八人東且彌國勝兵五百七十二人初

國勝兵百一十五人狐胡國勝兵四十五人山國勝兵千人車師前國勝兵千八百六十五人元帝初都護甘延
東師後國勝兵千八百九十人車師都尉國勝兵八十四人車師後城長國勝兵二百六十八人

壽與副校尉陳湯發城郭諸國兵車師戊己校尉屯田吏士漢兵

合胡兵四萬人即康居誅斬郅支單于其明驗也歷成哀平三世

皆因先代舊制無所紛更及王莽篡漢西域諸國解體焉耆叛殺

都護但欽匈奴復畧有西域而漢代屯兵之制亡矣後漢光武中興西域諸國數請都護帝以中原初定北邊未服弗之許也明帝永平中命將北征匈奴取伊吾廬地置宜禾都尉以屯田遂通西域于闐諸國明年始復置都護戊己校尉及明帝崩焉耆龜茲攻沒都護陳睦匈奴車師圍戊己校尉章帝不欲耗中事西乃追還戊己校尉不復遣都護復罷屯田和帝永元三年北單于復爲右校尉耿夔所破逃亡不知所在其弟右谷蠡王於除鞬自立爲單于將數千人止蒲類海遣使欵塞大將軍竇憲以塞北地空欲結恩北虜乃上書請立於除鞬爲北單于置中郎將領護如南單于故事下公卿議司徒袁安司空任隗皆上封事阻之朝廷不從四年遣耿夔卽授璽綬賜王劍羽蓋使中郎將任尙衛護屯伊吾地如南單于故事六年班超遂定西域因以超爲都護居龜茲又以徐幹爲長史居疏勒復置戊己校尉居車師於是五十餘國悉納質內屬而鎮撫之略稱得焉安帝永初元年都護段禧等雖保龜

茲而道路阻塞檄書不通公卿議者以為西域阻遠數有背叛吏

士屯田其費無已六月詔罷西域都護遣騎都尉王宏發關中兵

迎禧博僅及伊吾盧柳中屯田吏卒而還六年敦煌太守曹宗按後漢書

作宗通典通考皆作崇未知孰是姑并錄之以備考患匈奴復役屬西域諸國共為邊患也遣行長史索

班將千餘人屯伊吾以招撫之至永甯元年北匈奴率車師後王

軍殺後部司馬及班索等曹宗乘間請匈奴匈奴復取西域太后

以問軍司馬班勇以為不可許也舊敦煌郡有營兵三百人今

宜復之復置護西域副校尉居於敦煌如永元故事又宜遣西域

長史將五百人屯樓蘭西當焉耆龜茲經路南疆鄯善于闐心膽

北扞匈奴東近敦煌如此誠便尚書問勇曰今立副校尉何以為

便又置長史屯樓蘭利害云何勇對曰昔永平之末始通西域初

遣中郎將居敦煌後置副校尉於車師既為胡虜節度又禁漢人

不得有所侵擾故外夷歸心匈奴畏威今鄯善王尤還漢人外孫

若匈奴得志則尤還必死此等雖同鳥獸亦知避害若出屯樓蘭

足以招撫其心愚以爲便長樂衛尉鍾顯廷尉綦毋參司隸校尉
崔據難曰朝廷前所以棄西域者以其無益於中國而費難供也
今車師已屬匈奴鄯善不可保信一旦反覆班將能保北虜不爲
邊害乎勇對曰今中國置州牧者以禁郡縣姦猾盜賊也若州牧
能保盜賊不起者臣亦願以要斬保匈奴之不爲邊害也今通西
域則虜勢必弱虜勢必弱則爲患微矣孰與歸其府藏續其斷臂
哉今置校尉以扞撫西域設長史以招懷諸國若棄而不立則西
域絕望望絕之後屈就北虜緣邊之郡將受困害恐河西城門必
復有晝閉之儆矣今不廓開朝廷之德而拘屯戍之費若北虜遂
熾豈安邊久長之策哉太尉屬毛軫難曰今若置校尉則西域絡
繹遣使求索無厭與之則費難供不與則失其心一旦爲匈奴所
迫當復求救則爲役大矣勇對曰今設以西域歸匈奴而使其恩
德大漢不爲鈔盜則可矣如其不然則因西域租入之饒兵馬之
衆以擾動緣邊是爲富仇讐之財增暴夷之執也置校尉者宣威

布德以繫諸國內向之心以疑匈奴覬覦之情而無財費耗國之

慮也且西域之人無它求索其來入者不過稟食而已今若拒絕

執歸北虜夷虜并力以寇并涼則中國之費不止千億置之誠便

於是從勇議復敦煌郡營兵三百人置西域副校尉居敦煌羈縻

而已未能遂出屯也延光二年北匈奴連與車師入寇河西敦煌

太守張璠上書陳上策朝廷下其議尚書陳忠上書以為敦煌宜

置校尉按舊增四郡屯兵以西撫諸國庶足折衝萬里震怖匈奴

帝然之於是復以班勇為西域長史按前書西域傳各國下皆云去都護治所若干里後書西

將兵五百人出屯柳中其後勇以次削平西域城郭諸國復屬

於漢當此之時各國之兵皆聽指揮於長史後漢書西域傳拘彌國勝兵千七百六十

宜事變即起非如西漢之奉令惟謹可以操縱由己也順帝永建

六年帝以伊吾舊膏腴之地傍近匈奴得之資為鈔暴復令

開設屯田如永元時事置伊吾司馬一人楊嘉以後國威稍損諸

千人子合國勝兵一千人德若國勝兵三百五十人疏勒國勝兵三萬餘人為番國勝兵二萬餘人犍國勝兵七千餘人移支國勝兵一千餘人東且彌國勝兵二千餘人車師前王勝兵二千人後王勝兵三千餘人然懷柔失

國驕放轉相陵伐至桓帝永興初後部玉阿羅多又攻圍漢屯田且固城殺傷吏士而前代先後經營之規制遂蕩然無餘矣魏晉以還中原多故無暇遠略隋初商胡雜居伊吾築城置戍又先後使使張掖武威間引致來朝者四十餘國乃致西戎校尉以應接之究其威德終未及西域也唐以武功定天下兵威所及亘古希倫貞觀十四年交河道大總管吏部尙書侯君集奉命討高昌下其地三郡五縣二十二城太宗欲以爲郡縣設兵置戍特進魏徵諫曰陛下初臨天下高昌夫婦先來朝謁自後數月胡商被其遏絕貢獻加之不禮大國遂使王誅再加若罪止文泰斯亦可矣未若撫其人而立其子所謂伐罪弔民威德被於遐外爲國之善者也今若利其土壤以爲州縣常須千餘人鎮守數年一易每及交番死者十有三四遣辦衣資離別親戚十年之後隴右空虛陛下終不得高昌撮穀尺布以助中國所謂散有用而事無用臣未見其可太宗不從以其地爲西州以可汗浮圖城爲庭州各置屬縣

又置安西都護府於交河城歲發兵數千人戍守其地十六年褚
遂良復上疏以爲聖王爲治先華夏而後夷狄陛下興兵取高昌
數郡蕭然累年不復歲調千餘人屯戍遠去鄉里破產辦裝又謫
徙罪人皆無賴子弟實足騷擾邊鄙豈能有益行陳所遣復多逃
亡徒煩追捕加以道途所經沙磧千里冬風如割夏風如焚行人
萬里過之多死設使張掖酒泉猝有烽燧之警陛下豈得高昌一
夫斗粟之用終當發隴右諸州兵食以赴之耳然則河西者中國
之心腹高昌者他人之手足奈何糜弊本根以事無用之士乎且
陛下得突厥吐谷渾皆不有其地爲之立君長以撫之高昌獨不
得與爲比乎叛而執之服而封之刑莫威焉德莫厚焉願更擇高
昌子弟可立者使君其國子子孫孫負荷大恩永爲唐室藩輔內
安外寧不亦善乎帝仍不聽時諸國之通朝貢者又均置爲都督
府有疏勒都督府焉耆都督府隸於安西都護二十一年討滅龜
茲徙安西都護府以治之統轄疏勒于闐碎葉謂之四鎮惟兵額

不得而詳攷之唐史高昌勝兵且萬人焉者勝兵二千餘人于闐
 勝兵四千人疏勒勝兵二千人夷男勝兵二十萬大抵彼地傳聞
 約略之辭蓋將與兵多就地用之惟聽徵調於都護已耳高宗嗣
 位不欲廣地勞人命有司棄龜茲疏勒等四鎮復移安西都護於
 西州至顯慶二年楊胄討平龜茲置龜茲都督府復移安西都護
 治焉以舊安西為西州都護府鎮高昌故也按唐置都督府多以土人充職
 惟西州都督府則以漢人為之而天
 山北路亦復置各都督府並隸於北庭都護初太宗既擒頡利諸
 部相繼降附遙置各州設北庭大都督府以統之後賀魯來降置
 瑤池都督府永徽初賀魯叛廢之至是擒滅賀魯後以諸部遙置
 各都督府有金滿沙陀二州都督府大漠元池三都督府鹽泊雙
 河匄延嗚鹿絜山鷹娑六都督府尋復置崑陵都護府以統沙陀
 金滿二州而於賀魯故地別置濠池都護與崑陵南北分領諸部
 仍並隸於北庭大都護府咸亨初吐蕃恣肆西域安西四鎮並廢
 舊制蕩然上元初于闐國王入朝以其地置毗沙都督府長壽初

唐休璟收復四鎮仍置安西都護府於龜茲留兵三萬人戍之二
年吐番大倫欽陵遣使請和武后遣郭元振往議之陵請罷置戍
守以便萬姓各守本境以爲西十姓突厥四鎮諸國或時附蕃或
時歸漢斯皆類多反覆伏乞聖恩宏大拔去鎮守分離屬國各建
侯王使其國君人自爲守既不疑漢又不屬蕃豈不人免憂虞荒
陬幸甚振曰十姓四鎮本將鎮靜戎落以撫甯西土通諸大邦非
有他求論今奚疑而有憂虞乎論曰使人此詞誠爲實論然緣邊
守將多好功名見利而動罕守誠信此蕃國之所爲深憂也振謂
茲事汗漫體大非末吏所能決當發使奉章以聞取裁於聖衷旣
而以不犯邊約誓振與陵使乞思若共詣朝時朝廷以四鎮十姓
事欲罷則有所顧欲拒則有所難莫之能決元振乃上疏曰臣聞
利或生害害亦生利國家奄有天下園囿八荒而萬幾百族之中
最難消息惟吐蕃與默啜受命是將不利於中國若圖之不審則
害亦隨之如防害有方則利亦隨之今欽陵所論惟分裂十姓拔

去四鎮兵防此是欽陵切論者若以為可允則當分明斷決之若以為不可允則當設策以羈縻之終不可直拒絕以阻其意使興邊患也臣愚驚罔識其策必以四鎮殷重事不可依何不言事以答之如欽陵云四鎮諸部與蕃接界懼漢密近蘭鄯北為漢患實在茲輩是亦國家之所要者今宜報陵云國家非怖四鎮本置此以扼蕃國之尾分蕃國之力使不得并力東侵今若頓委之於蕃恐蕃力强易為東擾必實無東意則宜還漢吐渾諸部及青海故地即俟斤部落當以與蕃如此足塞陵口武后從之四鎮兵如故長安三年復置北庭都護府於庭州統鹽泊等十有六州官屬如安西都護副都護二人長史司馬各一人錄事功曹各曹戶曹兵曹法曹參軍各一人參軍軍三人武氏倡亂後四夷多事邊方有寇戎之地則加以旌節謂之節度使睿宗初即改安西都護為節度使有兵二萬四千人馬二千七百疋開元六年改為四鎮節度使置官屬副使一人行軍司馬一人判官一人統焉耆龜茲于闐疏勒四鎮保大軍

一鷹娑都督一蘭城守捉八

按保大軍在安西城內鷹娑府以西突厥鼠尼施部置去西州千餘里蘭城亦在西州之西

開元十二年

改爲積西節度使二十九年又改爲安西節度使至德初改爲鎮

西節度使大曆三年仍曰安西亦曰安西四鎮節度使而北庭都

護亦於開元二十九年改爲北庭節度使官屬如安西節度有兵

二萬八千人馬五千疋管瀚海軍北庭都護府城內開元中置管兵七千五百人馬二千四百匹建康軍張掖郡西二百

餘置營兵五千四百人馬五百匹甯寇軍張掖郡東北千餘里天寶二年置管兵千七百人馬四百匹玉門軍酒泉郡西二百餘里武德中楊恭墨離

軍晉昌郡西北千與管兵五千五百匹豆廬軍敦煌郡城內管兵千三百人馬四百匹新泉軍會稽郡西北三百里管兵千人張掖郡守捉管兵三百人

烏城守捉管兵五百人交城守捉武威郡西二百里管兵千人白亭守捉武威郡西五百里管兵千七百人沙鉢守捉

亦曰莫賀城在北庭之西五百餘里西伊二州之機曾屬焉至德而後大盜內訌夷狄乘間竊發自貞元三年

以至貞元六年安西北庭相繼爲吐番淪陷用是中朝命威不復

能及於西域元和之初節度而外又有以安撫稱使者如李大亮

爲西北道安撫大使又有以經略稱使者如郭虔瓘爲四鎮經畧

安撫使其後紛紜變更無復常制又有行營如李嗣業爲四鎮北

庭行營節度軍有兼領如楊元卿以涇原渭節度觀察等使兼充

四鎮北庭行軍然而名號移於軍戎而無撫綏防禦之實意廣明

以後中原多故僅同羈屬矣自唐以降諸國分併不常背服不一而五季之君內顧不遑無暇外事所以西陲兵制概係缺如宋有天下西域爲夏人所隔若回鶻高昌龜茲于闐等國貢使偶通然而聲教所不訖亦卽防範所不及也元太祖崛起朔漠兵力遠及於西域四年春輝和爾國主阿而忒的斤遣使歸降太祖命其仍居故地併哈密之地以封之是爲亦都護九年郭寶玉西收別十八里別石蘭等城十八年始定西域置達魯噶齊監治及世祖混一寰宇凡邊徼咽喉之地無不遣兵置守而新疆南北兩路去叛王最近防閑猶不容稍疏至元十二年遣兵千人戍畏吾境十六年置鄂端元帥府以呼必賚布色將古古軍二千河西軍一千戍守其地十七年命萬戶棊公直戍別十八里又置鎮北庭都護府於畏吾境此十餘年間分兵置守皆因時制宜初無一定之規模也至元十九年置阿方麻里元帥府駐伊領天山北路二十三年置別十八里元帥府駐烏魯木齊領天山南路又置火州曲先元帥府領吐

魯番哈密至玉門陽關以東於是畫地分防制度井然矣至於成宗元貞元年立北庭都元帥府泰定元年以闊闊出鎮畏吾自是兵制日卽墮弛防務視爲故事相沿以至末季天山北路爲瓦拉部所統天山南路爲別十八里所據於是創垂所遺僅有威武王喃忽里鎮守哈密等處畏兀地分爲柳城火州吐魯番三萬戶以萬戶府統之而已然亦未幾就湮矣明代天山南路阻絕不通北路亦僅哈密吐魯番火州柳城數處稍有交涉初邊外歸附者官其長爲都督都指揮指揮千百戶鎮撫等官賜以勅書印記設都司衛所永樂四年遂立哈密衛以其頭目馬哈木火者爲指揮千百戶等官又以周安爲忠順王劉行爲紀善輔導冬授頭目十九人爲都指揮官五年哈密頭目請設把總一人理國政帝曰設把總是增一王也政令不一下安適從寢其議永樂十八年脫脫卒擢都指揮同知哈刺哈納爲都督僉事鎮守其地後其王率庸懦其頭目又多攜貳離散遂至三立三絕而閉關不問矣此兵制之

見於哈密者也吐魯番於永樂四年遣使入貢至二十年其酋爲別十八里酋歪思所逐走歸京師天子憫之命爲都督僉事遣還故土宣宗宣德三年都督鎖格弟猛哥帖木耳來朝命爲指揮僉事後侵掠火州柳城皆爲所併又屢奪哈密旋服旋叛遂無一定此兵制之見於吐魯番者也究之以上二處官吏兵役皆就地挑選中國不過因時羈縻而已並非增防置守事事歸中朝之節制至於柳中火州國勢微弱時見脅於強大雖亦設有都指揮等官

永樂十一年都指揮白阿兒新遣使來貢

尤爲規畫所不詳焉

Blank page with vertical lines for text columns.

新疆圖志卷五十

軍制二

國朝

國朝底定西陲兵制迄今凡三變初乾隆時之蕩平南北路也以伊犁為總匯重地烏魯木齊居中外衝要分設旗綠各營攜眷移戍謂之駐防南路回疆及塔爾巴哈臺則更番輪戍三年一易謂之換防

按塔爾巴哈台本有駐防兵九百綠旗駐屯兵六百後撤去駐防僅存換防及屯兵共二千駐防換防之綠營皆自陝甘移調者也其駐防之滿洲兵則移自熱河西安涼州莊浪等處察哈爾蒙古兵則移自張家口外游牧索倫錫伯等兵則移自東三省厄魯特沙畢納爾兵則拔自新附兵換防之滿洲兵北路塔爾巴哈台則自伊犁調撥南路喀什噶爾英吉沙爾葉爾羌烏什阿克蘇則自伊犁烏魯木齊古城巴里坤等處調撥卡倫之兵領以待衛滿洲駐防隸於佐領綠旗隸於營官回兵則令各城伯克經理而以駐劄之將軍都統大臣總轄之其制

總統伊犁等處將軍 乾隆二十五年參贊大臣阿桂由阿克蘇帶兵至伊犁鎮守開屯為辦事大臣二十七年十月奉 上諭伊犁初定新疆之地現在建城駐兵此缺應作為將軍鎮守地方將軍之

設自掌新疆之軍政山北山南省聽節制設參贊大臣一 乾隆二十六年十一月奉 上諭伊犁已

設將軍應參贊大臣同辦事務初 設係二人至二十九年始為一人 參贊軍務與將軍同駐伊犁 印房掌關防司員一廳領處司員一

處章京無定額卡倫侍衛十五印房糧餉駝馬三處律帖式四委筆帖式八軍臺委筆帖式六撫民同知一理軍同知一巡檢六

惠遠城滿營 自乾隆廿九年始至三十一年止調熱河涼州莊浪 協領之官八 乾隆三十一年將

佐領之官四十 乾隆三十一年將軍明瑞 奏准熱河涼州莊浪三處移駐伊犁官兵現經到齊原分八旗每

齊難於管束請添二牛象共成四十牛象 防禦四十 內空 世襲恩騎尉 並添設佐領二人防領二人騎騎校二人

二一阿岳什後嗣 催總四十人領催一百二十人前鋒三百二十人 內委

蓋前鋒每段四十人小旗四十人另由佐領內選委前鋒翼長二人 馬甲二千八百人 內委前鋒 礮手 為前鋒總精又由佐領防禦內選委前鋒章京八人各管一旗前鋒

四十人步甲六百人匠役八十人養育兵二百四十人鳥槍步

甲四百人 乾隆五十五年將軍 保甯 奏准添設

惠甯城滿營 自乾隆廿五年始至三十六年止調西安滿洲 領隊大臣一 乾隆三十四年將軍永貴

官管東向寬任 協領之官四 原移駐時設領三人將軍增海 奏裁一人所留二人兼管佐領至乾隆三十六年

輕 奏准添設 佐領之官十六防禦十六 內空 礮手 再添協領二人其協領所兼佐領二人得官永行

世襲恩騎尉四一阿勒達後嗣一巴什後嗣一松果託後嗣一晉昌後嗣委筆帖式二領催六十四人前

鋒一百六十人內委金頂藍翎前鋒校十六人小旗十六人由佐領內選委前鋒翼長一人以為前鋒總轄又由防禦內選委前鋒章京四人每人專管兩旗前鋒馬甲一千

四百五十六人內委前鋒礮手十六人步甲三百二十人匠役四十

八人養育兵六十四人

錫伯營在伊犁河南岸駐劄三十年自鑒領隊大臣一乾隆二十年設管理本營官兵事

務總管副總管各一佐領之官八乾隆三十二年將軍阿桂奏明錫伯兵丁舊有佐領六人駝騎校六人領催二十四人請添設佐領二人駝騎校

二人再由兵丁內挑補領催八人合驍騎校八空藍翎六委筆帖式二領催三十

二人披甲九十八人

索倫營左翼四旗為索倫在奎屯薩瑪爾地方游牧右翼四旗為達呼爾在靈州果斯科河一帶建蓋房屋居住乾隆二十九年自黑龍江調弁兵一千零十八人移駐領隊大臣一

乾隆二十年設管理本營官兵事務總管副總管各一佐領之官八乾隆三十九年阿桂

奏明索倫兵丁舊有佐領六人駝騎校六人領催三十四人請添設佐領二人駝騎校二人再由兵丁內挑補領催八人合每佐領下領催四人丁兵一百二十一人驍騎校八世襲雲騎

尉一身勒特空藍翎九委筆帖式二前鋒校四人前鋒三十六人

領催三十二人披甲九百六十八人養育兵二百人

察哈爾營左右兩翼在波羅達拉哈布塔海賽里木淖爾一帶地方游牧領隊大臣一乾隆二十年設管

理本營官兵事務左翼總管一副總管一佐領之官八乾隆三十二年將軍阿桂奏

明察哈爾兵丁一千八百人分爲左右兩翼每翼合兵九百人又附住開散厄魯特二百人每翼分一百人除舊有佐領六人
驍騎校六人領催十六人外請再添佐領二人驍騎校二人領催十六人每佐領下合領催四人兵一百零八人附開散厄

魯特十二三人驍騎校八空藍翎三委筆帖式二領催三十二披甲八百

六十八人右翼總管一副總管一佐領之官八驍騎校八世襲

雲騎尉二一軍務端多克後嗣一厄楞臣後嗣空藍翎三委筆帖式一領催三十二人披

甲八百六十八

厄魯特營上三旗在特克斯察林塔瑪哈一帶地方游牧下五旗在霍諾海吉斡斯哈什一帶地方游牧乾隆二十年
九年調額爾齊斯河達瓦厄魯特官兵編爲左翼除設總管佐領驍騎校等官原設領催兵丁五百人其自

乾隆二十五年起陸續招撫厄魯特及由哈薩克布魯特投出者編爲右翼除設佐領驍騎校等官原設領催兵丁七百人領隊大臣一乾隆三十年設管理本營官

兵事務上三旗總管一副總管一佐領之官六驍騎校六世襲

雲騎尉二一鄂勒通郭羅什爾後嗣一額駙庫後嗣空藍翎三委筆帖式二領催二十四人食

一兩五錢披甲二人食一兩披甲四百七十四人食五錢披甲

六百六十四人下五旗乾隆三十六年將軍阿桂奏明左翼厄魯特六個佐領作爲上三旗每旗兩
個佐領每佐領合兵八十三人開散四十四五人右翼厄魯特佐領六人驍

騎校六人兵四百二十人開散一千三百人每佐領下合領催兵丁七十八人開散二百六十七人現添四個佐領亦請照舊有
佐領所有兵丁數目每佐領合領催四人兵六十六人其餘一千一百六十八人開散壯丁均據每佐領下台一百四五十人編

五旗總管一副總管一佐領之官十驍騎校十世襲雲騎尉三一楊

副一哈爾察海後
副一碩通後嗣
空藍翎二季筆帖式一拜唐阿一人領催四十人食

一兩披甲五百人食五錢披甲一千零七十七人

察畢納爾營沙畢納爾乾隆三十六年隨土爾扈特安插伊犁歸入厄魯特
副總管職銜佐領

一原設佐領四人嘉慶二十年將軍松筠奏生齒日繁游牧漸遠下五旗總管等管理難周請於沙畢納爾營內添設總管職銜一人幫同管理沙畢納爾四佐領事務其添空藍翎二缺得旨永行
驍騎校

四空藍翎二領催十六人委領催十六人食五錢披甲五百七

十一人

烏魯木齊都統駐葉爾羌城此缺舊係參贊大臣乾隆三十八年改設轄領隊大臣五
掌烏魯木齊之軍政印房鑄餉駝馬處京三筆帖式三季筆

帖式六書
副十八

本城滿營乾隆三十七年由涼州莊浪移駐
領隊大臣一協領之官六佐領之官二十

四內委戴花翎前鋒翼長一人戴花翎前鋒章京二人防禦二十四內委戴花翎前鋒章京二人驍騎校二十四催總二十

四人領催九十六人前鋒二百四十人內委金頂蓋翎前鋒校二十四人小旗二十四人馬甲二千

三百零四人礮手四十八人步甲三百三十六人匠役四十八

人養育兵二百八十人

古城滿營乾隆三十九年因巴里坤兵糧運送維艱將原移甯夏滿營由巴里坤撥古城駐防
領隊大臣一筆帖式一季協領之官

二內委前鋒
翼長一人佐領之官八內委戴花翎前
鋒章京二人防禦八驍騎校八內委戴
翎二人催總八人

領催三十二人前鋒四十人內委金頂蓋翎前鋒校
八人前鋒小旗四人馬甲七百六十八人

礮手十六人步甲一百四十四人匠役十六人養育兵六十人

巴里坤滿營乾隆三十七年安西將軍
奏准由西安甯夏兩處滿營各裁撥一千移駐巴里坤嗣因該處兵糧
轉運維艱三十九年烏魯木齊都統陝西總督
奏明准將西安甯夏移駐巴里坤其甯夏營滿兵

移駐
古城領隊大臣一協領之官二內委前鋒
翼長一人佐領之官八內委戴花翎前
鋒章京一人防禦八

驍騎校八催總八人領催三十二人前鋒四十人內委金頂蓋翎前鋒校
八人前鋒小旗四人

馬甲七百六十八人礮手十六人步甲一百四十四人匠役十

六人養育兵六十人

庫爾喀喇烏蘇領隊大臣一乾隆三十七年設筆帖式
一委筆帖式二書識二

哈密辦事大臣一協辦大臣一章京一筆帖式
一委筆帖式六

皆北路駐防之滿營也

烏魯木齊提督駐劄通化城舊稱提督駐劄巴里坤總兵駐劄烏魯木齊乾隆二十九年移原駐巴里坤之安西提
督及提標中營參將隨提督駐烏魯木齊即改烏魯木齊鎮標三營為提標三營又移原駐烏魯木

齊總兵官及旗標中營遊擊總兵官駐巴里坤即改巴里坤提標三營為旗標三營以原屬安西提標之安西城守營哈密
沙州二協靖逆布魯土塔爾灣橋湖赤金踏實黃墩瓜州雙塔惠回塔爾納沁等營歸巴里坤總兵統轄聽安西提督節制統

轄本標官兵及分防各營兼節制鎮標二

提標中營

乾隆二十七八九並三十三年由安西提標甘涼河州延綏甯及興漢西甯固原各營移駐左營右營同

中軍參將一守備一千

總二

內檢京康防汛一人

把總四經制外委五額外外委八馬兵四百七十四

人步兵四百七十五人屯兵五百人右營都司一

駐化城

守備一

千總二把總四經制外委六額外外委七馬兵四百七十四人

步兵四百七十五人屯兵五百人

迪化城守營

乾隆二十八並三十二三九等年由涼州甯夏甘州安西河州肅州沙州固原西甯延綏興漢各營移駐

都司一守備一千總二

把總四經制外委六額外外委八馬兵五百人屯兵五百人

鞏甯城守營

乾隆二十四年由提標中左右三營裁移

都司一千總一把總一經制外委二額

外外委四馬兵一百五十人步兵一百五十人

濟木薩營

乾隆三十六七並四十二等年由甘州涼州西甯肅州固原甯夏各營移駐

參將一守備一千總二把總四

經制外委八額外外委八馬兵四百五十四人步兵四百五十

五人

瑪納斯協營

乾隆四十二四十三等年由甘州涼州西甯肅州甯夏各營移駐

副將一左右營都司二中軍守

備二千總四把總七經制外委十額外外委十二馬兵七百九

十四人步兵七百九十三人

喀喇巴爾噶遜營

乾隆三十七年由陝甘各提標移駐歸瑪納斯協標管轄

守備一把總二經制外委二

額外外委二馬兵一百五十人步兵一百五十人

庫爾喀喇烏蘇營

乾隆四十七並五十一等年由固原州西甯河州瑪納斯各營移駐

游擊一守備一千總二把

總二經制外委四額外外委五馬兵三百人步兵三百人

精河營

乾隆四十七並五十一等年由固原州西甯河州瑪納斯各營移駐

都司一千總一把總二經制外委三

額外外委三馬兵二百人步兵二百人

右屬烏魯木齊提標

巴里坤鎮總兵官統轄本標官兵及分防各營

鎮標中營

乾隆二十七年由安西移駐左營右營同

游擊一守備一千總一把總四外委六額

外外委六馬兵四百十二人步兵二百三十八人右營游擊一

守備一千總二把總四外委六額外外委六馬兵四百十三人

步兵二百三十九人屯兵五百人

巴里坤城守營

乾隆四十二年由辟實堡沙州移駐

都司一千總一把總二外委二額外

外委二馬兵一百十二人步兵七十二人

哈密協營 乾隆二十六年由安福提屬靖逆沙州等官裁移 副將一都司一千總二把總六經制外

委六額外外委七馬兵四百二十五人步兵四百零五人

塔勒納沁屯田都司一 駐劄塔勒納沁 把總一兵二百人

蒙把什湖屯田把總一 駐劄蒙把什湖 兵二百人

木壘營 乾隆三十二年並三十六年由塔勒納沁西等營移駐 守備一把總二外委二額外外委二馬

兵一百四十四人步兵一百六十人屯兵一百五十人 右屬巴里坤鎮標

伊犁鎮總兵官 乾隆二十五年辦事大臣阿桂奏旨臣等前議於明年秋季添調綠營種地並築城兵丁是伊犁綠營兵丁數已二千必須綠營大員方足以資彈壓查烏魯木齊屯務現有違奇金梁二人管理後

處辦現已有二三年章程已略定應請明年所添調種地兵丁即令金梁帶赴伊犁辦理得旨允行 統轄本標官兵及分防各營

鎮標中營駐劄定城 自乾隆廿五年起陸續由陝甘調撥綠營兵駐守開屯按期更換四十年將軍伊勒圖奏旨伊犁種地綠營兵丁俱由陝甘各標派撥五年一換派撥之際應給製

辦銀兩不惟糜費錢糧亦覺紛擾今伊犁備春備湖慶古兵丁駐防多年情形較初移駐時週別哈密巴里坤烏魯木齊瑪納斯等處種地綠營兵丁亦改爲營兵駐防所需管轄伊等之總兵各官按照現在換防數目作為一定額缺得旨允行旋於

四十四年由陝甘各營移駐備春官兵三千零九十八人建綏定廣仁瞻德拱宸熙春塔勒奇六城分駐 遊擊一守備一千總二把總四經制

外委六額外外委六馬步兵各三百人左營駐廣仁城遊擊一

守備一千總二把總四經制外委六額外外委六馬步兵各三

百人右營駐瞻德城都司一守備一千總二把總四經制外委

六額外外委六馬步兵各三百人

霍爾果斯營駐拱宸城參將一守備一千總二把總四經制外

委六額外外委六馬步兵各三百五十人

巴彥岱營駐熙春城都司一千總一把總二經制外委三額外

外委三馬步兵各一百五十人

塔勒奇營駐塔勒奇城受霍爾果斯參將兼轄守備一千總一把總一經制外

委二額外外委二馬步兵各一百人

北關汛乾隆五十五年署將軍永保奏設北關汛稽查盜賊守備一把總二嘉慶十年將軍松筠奏明運遠城北關汛原派兵一百人不足以資巡防請於中左右等六

營抽撥差兵一百人又以原設守備員弁照料難周請於鎮標左右內添撥把總一人額外外委各一人移駐彈壓得旨允行經制外委二額外外委二兵

二百人書識十四人

皆北路駐防之綠營也至北路滿綠營之換防僅有塔爾巴哈台

而南路吐魯番亦屬於烏魯木齊

塔爾巴哈臺參贊大臣設協辦領隊大臣一專管東路卡倫專理游牧領隊

大臣一兼管西路卡倫章京三筆帖式二委筆帖式十卡倫侍衛十二

滿營由伊犁換防領協之官一佐領之官四防禦三驍騎校七
兵七百二十人

錫伯營由伊犁換防佐領一驍騎校一兵一百三十人

索倫營由伊犁換防驍騎校一兵一百三十人

察哈爾營由伊犁換防佐領一驍騎校一兵一百六十人

厄魯特營由伊犁換防佐領一驍騎校一兵一百六十人

綠營由陝甘省換防總理屯務官一或副將或參將不一協理屯務兼管城守

營官一或遊擊或都司守備不一分理屯務官二或都司或守備不一千總九經制外委八書識

三人馬兵一百六十六人步兵六百三十四人

吐魯番領隊大臣管理滿營差營屯田回務此缺係關係辦學大臣乾隆四十五年改設筆帖式一委筆帖式二書識八人

滿營由烏魯木齊換防協領之官二佐領之官四防禦四驍騎

校四催總四人領催十六人前鋒四十人內委金頂蓋前鋒校四人小旗四人馬甲三百

八十四人步甲五十六人礮手八人匠役八人養育兵四十八

人

綠營由陝甘省換防都司一守備一千總四把總四經制外委
八兵三百三十人管理屯務都司一守備一千總四把總四經
制外委七兵七百人

其餘南路八城滿綠營概係換防分晰例左

喀什噶爾參贊大臣總辦八城事務協辦大臣一專理喀什噶爾及英吉沙爾軍務二缺曾乾隆二十四年設三

十年移參贊大臣於烏什改設辦事大臣一人協辦大臣一人五十二年復舊制章京四筆帖式四委筆帖式九侍衛十人

滿營由烏魯木齊換防者協領一佐領一防禦一驍騎校三兵

三百三十一人由伊犁惠遠城換防者佐領一作爲營長前鋒校二作爲委

委筆帖式一作爲委驍騎校小旗四人前鋒二十四人領催四人兵三

十五人由伊犁惠甯城換防者防禦一作爲參領前鋒校一作爲委驍騎校小旗

一人前鋒八人領催二人兵十八人又有由伊犁換防之錫伯

營佐領一作爲副營長驍騎校一領催四人兵九十六人

綠營副將一乾隆四十二年設總兵一人三十二年改設副將遊擊一千總三把總三經制外委六

聽差都司守備二兵六百二十五人由兩曹旗屬換防四百九十三人由漢中旗屬換防七十八人由烏魯木齊換防六十三人

英吉沙爾領隊大臣兼管卡倫總督什噶爾參贊大臣自乾隆二十四年設總兵官駐劄三十一年改設筆帖式一委筆帖式二

滿營由烏魯木齊換防防禦一兵十人

綠營由陝西河州鎮屬換防遊擊一千總一把總一經制外委

二兵二百人

阿克蘇辦事大臣乾隆四十四年裁烏什領隊大臣移駐阿克蘇嘉慶二年改設辦事大臣章京二筆帖式二委筆帖式五書讀五人

滿營由烏魯木齊換防佐領一防禦一驍騎校一貼寫五人兵

六十人

綠營由陝甘換防遊擊三阿克蘇一委并千總二把總五阿克蘇二委并城一銅廠一嘉慶四年由烏什隨設

局分 兵六百九十八人嘉慶二十年伊犁將軍松筠奏請由烏什添調換防兵六十人二十一年經伊犁參贊大臣長齡覆奉旨施行

烏什辦事大臣乾隆三十年移喀什噶爾參贊大臣一協辦大臣一駐劄烏什又設領隊大臣一四十四年移領隊大臣駐阿克蘇五十二年移參贊大臣協辦大臣駐喀什噶爾烏什照舊制駐劄辦事大

臣章京二筆帖式一委筆帖式四卡倫侍衛六書讀十二人

滿營由巴里坤古城吐魯番換防佐領一防禦一驍騎校一貼

寫八人兵一百四十四人

綠營由陝甘換防參將一都司一守備二城守營屯田各一千總三城守營一屯田二巴

總四 城守營三屯田一 經制外委八 額外外委二 馬步兵五百二十五人 舊係五百

八十五人嘉慶二十一年撥出六十人移駐阿克蘇 屯田兵二百五十人

葉爾羌辦事大臣一 協辦大臣一 乾隆二十六年設領隊大臣二人尋省以協辦大臣兼理領隊事務章京三筆帖式三委筆帖式十五侍衛十二書

九人

滿營由巴里坤古城吐魯番換防佐領之官二 巴里坤吐魯番各一 驍騎校二

巴里坤古城各一 兵二百零六人

綠營由陝甘省換防副將一 遊擊一 都司二千 總三把總六 經

制外委九 兵六百八十人

和闐設辦事大臣一 歸業爾光節制 協辦大臣一 章京一筆帖式一委筆帖式五貼寫四人

綠營由陝甘省換防都司一千 總一把 總一經制外委二 馬步

兵二百二十三人

庫車辦事大臣一 兼轄沙雅爾 乾隆二十四年設章京二筆帖式二委筆帖式八

綠營由陝西省換防都司一 守備一千 總一把 總二 經制外委

三 書識十人 兵三百零二人

喀喇沙爾辦事大臣 京三筆帖式三委筆帖式十一貼寫通事十八

綠營由陝甘省換防遊擊一守備一管理屯工千總一管理屯工把總四管理屯工經

制外委三管理屯工書識八人印房六糧局二城守營兵丁二百一十人內水手兵

丁十臺卡兵丁八十四人頭工兵丁七十一人二工兵丁一百零

一人三工兵丁一百三十人

此外又有回兵分隸各城伯克然

本朝掌故諸書均僅列其伯克郡王國公之數並不詳及兵額則

知當日所謂回兵者不過於戡定全疆時藉為編戶之資並非如

旗綠各營果可徵諸實用也

嘉咸而後旗綠各營久不足額兼之妥索構難白逆乘之人民喪

亡殆盡舊制因之蕩然左宗棠督辦軍務籌畫情形首陳兵事宜

早為整理曰西事稽延至今未睹成效由於冗食多而戰士少耳

旗綠諸營久不足額就近各省無勁兵應調於是取土著兵民及

各處就食兵民授地耕墾一備軍食一備戰守無事則驅其盡力

農畝有事則調其效命鋒鏑謂之且耕且戰事非不勞謂之卽兵卽農名非不美然調赴期會則彼此觀望數日不能取齊麾令前驅則勇怯雜糅氣勢不能完整其何以戰且旣掛名武籍又令其從事耕耘譬猶左手畫圓右手畫方兩者相彘必致一無所就是且戰之兵不能戰且耕之兵不暇耕也茲宜劃兵農爲二擇其精壯有膽之兵宜馬者馬宜步者步束以營制一如內地軍營其曾著戰績如除學功輩用之爲營帶爲督帶其才能辦事如孔才輩用之爲幫辦凡督帶管帶以及所部哨官什長酌給薪水辦公銀兩散人給餉與糧按照客軍營制減給其愿弱不任戰者散之爲農按照戶口指餘荒地畝令其承墾由官酌給籽種農器耕牛收獲後繳本歸倉外不取息其所穫糧石由官照時價收買庶簡其精壯營伍可得而實散其愿弱屯墾可得而增兩利之道也關外各城所駐大臣有辦事領隊大臣幫辦之分所駐之兵有錫伯索倫達呼爾察哈爾蒙古厄魯特沙畢納爾及綠營攜眷兵換防番

戍兵之分亂後舊制不可復按而辦事幫辦領隊大臣與本營存
兵外兼帶馬步各營各請專餉所稱馬隊步隊既罕能戰之兵而
辦事幫辦領隊各員又非盡知兵之選徒糜餉糧無濟實用都統
及各大臣因慮產餉未極其豐增竈更形其絀力主畫地自封閉
關謝客之議以護官私屯糧不顧兵事利鈍金順進駐古城張曜
進屯哈密遲回不前而後隊尙迤邐原防者以此現在巴里坤古
城已辦採運哈密已開營屯金順張曜兩軍留後之隊應卽陸續
開拔兵力旣增則屯丁可減竊維此時必分兵農責兵以戰課農
以耕而後餉事可節兵事可精也哈密巴里坤古城所駐各大臣
就見在所存旗營核定糧餉如缺額過多准照舊額馬步就地挑
募丁壯補數但責其保守城隘不必責以戰事脫屯丁伍籍散之
歸農則盡力隴畝民樂耕其野而官屯私屯地畝收穫餘糧准照
時價發糶民益得其饒不但分駐各軍可資接濟卽調發續進馬
步沿途就地採購毋期裹糧以趨於兵事更覺順利較之見在辦

法兵農兩荒不猶愈乎如蒙聖明鑒允應請

飭下金順文麟遵照辦理庶於時局有裨此籌整理哈密巴里坤古城兵事實在情形也疏入得

旨允准然戎馬倥傯不過藉紓目前之急更無與於久安長治之計也大難既定宗棠首建議伊犁設將軍又設參贊大臣烏魯木齊設都統又設提督塔爾巴哈臺葉爾羌均設參贊大臣喀什噶爾阿克蘇庫車和闐喀喇沙爾均設辦事大臣伊犁等處設領隊大臣五員塔爾巴哈臺烏魯木齊庫爾喀喇烏蘇古城巴里坤吐魯番烏什英吉沙爾均設領隊大臣哈密設辦事大臣協辦大臣各一員葉爾羌設兼管和闐事務協辦大臣一烏什設幫辦大臣一喀什噶爾又設換防總兵是邊地腹地皆一律視之無甚區別治兵之官多治民之官少於經野馭邊之義不符宜改置行省又言從前額兵之多者一則新疆與蒙部回番雜處兵少恐啟戎心一則新疆須由內地撥兵換防兵少難敷調派若以現在局勢而

言蒙部回番已就鈐束防營可以漸減前奏改行餉爲坐餉圖節
勇餉爲復甘肅制兵之漸新疆南北如置行省換防之制可以永
停

上是其議未經舉行而宗棠奉

旨入覲六年冬十月劉錦棠署理欽差大臣就宗棠原奏變通籌
商以爲新疆與甘肅形同唇齒凡籌兵籌餉皆以關內爲根本不
宜劃爲兩省擬設甘肅巡撫駐烏魯木齊並請加兵部尙書銜俾
統轄全疆官兵督辦防務回疆東四城擬設分巡兵備道駐阿克
蘇西四城擬設分巡兵備道駐喀什噶爾得

旨允行十年春二月劉錦棠金順張曜譚鍾麟按照部議各節悉
心區畫將款項之應用應抵兵勇之應留應汰就宗棠原議三百
數十萬之餉量入爲出以昭覈實錦棠旋條陳數事一曰留兵勇
以定餉數承平時新疆旗綠各營數逾四萬協餉係與甘肅併估
一歲之中預撥正撥四百一十五萬兩有奇常例分半提用後前

額兵職官北路獨多今則南路并重南路形勝以喀什噶爾爲最
阿克蘇次之現擬酌定全疆旗綠以三萬一千人爲準如部臣所
議將舊有之烏魯木齊巴里坤古城庫爾喀喇烏蘇吐魯番各處
旗丁歸併伊犁卽以伊犁將軍與塔爾巴哈台參贊爲駐防旗制
合馬步勇營共足萬人餘以六千三百人歸喀什噶爾道屬以四
千五百人歸阿克蘇道屬以六千四百人歸鎮迪道屬其巴里坤
則定三千八百人全疆餉項除已收之坐糧標勇士勇外餘存之
營尙須照支行餉一曰改營制以歸實用向來駐防旗營例分前
鋒領催馬甲步甲及養育兵月餉季糧各有等第綠營分馬步守
三項今於伊塔兩處分兵一萬擬伊犁分七千人塔爾巴哈臺分
三千人伊犁卽就現存錫伯索倫察哈爾厄魯特及擬移烏魯木
齊各城旗丁挑選三千人作旗兵再於金順所部勇營挑留四千
人作馬步遊擊兵應如何歸舊設伊犁總兵等官統馭卽由將軍
轄制酌定塔城挑留旗兵千人再於錫綸所部勇營挑留二千人

作馬步遊擊兵該處亦有綠營官弁應由參贊酌度其三道所屬共二萬一千人馬步分編擇駐險要除酌派各處分汛外餘兵隨所隸之將軍參贊巡撫提鎮練習俾成勁旅一曰定官制以一事權關外向止鎮迪一道今則南路添設兩道并畫哈密通判以隸新疆計廳州縣官二十餘員回疆始有治民之官旗丁概歸伊塔駐防擬請除留伊犁將軍塔爾巴哈臺兩處旗營外其餘兩路之都統辦事協辦領隊各官概予裁撤移烏魯木齊提督於喀什噶爾移喀什噶爾換防總兵於阿克蘇其所屬各營旗分防城隘應更勘明定議鎮迪道屬之兵卽作撫標每年協餉仍歸陝甘總督統估按數分起撥解又配造子藥所需物料應歸總督飭甘肅新疆總糧臺分別購造撥解應用年終由應分協餉內劃抵歸欵旗營各員參用勇營之章便於訓練如副將作營旗官卽以中軍都司爲總哨千總經制外委爲正副哨長參將遊擊作營旗官卽以中軍守備爲總哨千總經制外委爲正副哨長都司守備作營旗

官卽以中軍千總爲總哨把總經制外委爲正副哨長兵署卽同行營聲息聯爲一氣治兵之官不似往者之冗而事權可一矣奏入均報可惟前疏請裁旗員而伊犁參贊一缺塔爾巴哈臺領隊二缺未經議及旋奉

諭核議十一年夏五月錦棠覆陳伊犁請改設副都統二員塔爾巴哈臺請裁滿洲領隊而留厄魯特領隊并添設副將一員悉蒙俞允先是八年秋錦棠請將烏魯木齊古城巴里坤所餘旗丁併遷伊犁滿營故前奏有伊犁卽就現存錫伯索倫察哈爾厄魯特及擬移烏魯木齊各城旗丁內挑選三千人之語嗣金順奏伊犁旗丁尙多挑補足額請改遷塔城又經護巴里坤領隊金貴咨稱塔城毗連俄界恐彫敝之餘難資禦侮於是遷伊遷塔久無定議十一年夏錦棠復議歸併古城新築滿城安插請照甘肅莊浪滿營例改設城守尉以資鈐束十三年春請照河南山西城守尉例歸新疆巡撫兼轄明年三月新授城守尉德勝蒞任古城錦棠委

道員英林會同將三處員弁兵丁擬定旗分造冊呈核實存協領
三佐領防禦驍騎校各十筆帖式二委筆帖式三又雲騎尉五恩
騎尉三各兵丁九百九十八人外閒散幼丁六十一人按照旗制
僅數六旗之數是年八月奏請總計六旗共設佐領六防禦六驍
騎校六部缺筆帖式一委筆帖式二催總領催三十六前鋒如之
馬兵七百二十八人礮手匠役各十二人步甲一百十六人養育
兵六十人總設官二十一兵千人照現存官兵數目應裁協領三
佐領防禦驍騎校各四部缺筆帖式委筆帖式各一尙應補兵二
人其官俸兵餉均照滿營承平舊制分別定支得

旨允准十二年冬十月錦棠與魏光燾遂將南北兩路巡撫提鎮
各標額餉兵制妥籌議奏向章勇丁一營自營官總哨至正副哨
長共官弁十人標營擬每營旗祇以副參遊都守作營旗官而量
設千把爲哨長經制外委爲巡查其總哨副哨長概從裁省又勇
丁營制步隊一營火勇占額四十餘名一旗占額三十餘名馬隊

火勇向在額外標營則向無火勇茲既照勇營之制火勇自難裁減擬改步隊以四百九十八人爲營三百六十七人爲旗官弁火勇在內馬隊以二百五十人爲營百二十六人爲旗官弁在內火勇在外而議設標營則不計火勇以足原議其所擬章制

撫標以舊有提標中左右三營改設內設中軍參將一遊擊二并中軍守備以下等官共四十餘人勇二千餘人省城重地合舊有之迪化鞏甯二營設城守協副將一并中軍都司以下等官以舊有喀喇巴爾噶遜營隸之瑪納斯濟木薩庫爾喀喇烏蘇營皆依舊制略爲增減精河舊設都司地當伊犁衝要擬設參將以資控制吐魯番昔爲換防兵地屬鎮迪道擬就道屬兵數內增設遊擊一人駐之均隸巡撫兼轄計設副將二參將三遊擊四都司四守備十三千總十九把總五十二經制外委三十四共官百三十一人步隊八營三旗馬隊十五旗除火勇共正勇六千四百四人嗣復添設撫標開花礮隊一哨

喀什噶爾提標設中前左右四營參將一遊擊三守備七千總把
總經制外委四十五步隊四營馬隊七旗城守營遊擊一守備
千總把總經制外委十步隊一營馬隊一旗開花礮隊一哨回
城設副將一都司守備各一千總把總經制外委十二步隊二
一營馬隊一旗英吉沙爾設參將一守備一千總把總經制外
委九步隊一營馬隊一旗葉爾羌設副將一都司一守備二千
總把總經制外委十五步隊一營馬隊三旗其所屬葉城縣卽
由所設馬隊內分右旗駐防瑪納巴什設遊擊一守備一千總
把總經制外委七員馬步隊各一旗和闐州設參將一守備一
千總把總經制外委九步隊一營馬隊一旗其所屬于闐縣卽
由所設步隊內分左哨駐防喀什噶爾中營另設蒙古把總二
缺均歸提督管轄計設副將二參將三遊擊五都司二守備十
五千總十九把總五十五經制外委三十五并提督共官百三
十七人步隊九營一旗馬隊十六旗開花礮隊一哨除火勇共

正勇六千三百九十七人

阿克蘇鎮標設中左右三營遊擊三守備六千總把總經制外委三十六步隊三營馬隊六旗并抽右營馬隊一旗分駐拜城縣城守營設都司一守備一千總把總經制外委五步隊一旗開花礮隊一哨烏什設副將一都司二守備一千總把總經制外委十六步隊一營一旗馬隊二旗喀喇沙爾設參將一守備一千總把總經制外委九步隊一營馬隊一旗庫車所屬沙雅爾設遊擊一守備一千總把總經制外委七馬步隊各一旗中營另設蒙古把總二缺均歸總兵管轄計設副將一參將一遊擊四都司三守備十千總十三把總三十九經制外委二十三并總兵共官九十五人步隊五營三旗馬隊十旗開花礮隊一哨除火勇共正勇四千五百三十三人

巴里坤鎮標設中左右三營遊擊三守備三千總把總經制外委二十七步隊三營馬隊三旗城守營設都司一千總把總經制

外委四步隊一旗哈密協營設副將一都司一守備一千總巴
總經制外委十有二步隊一營馬隊二旗哈密協屬塔爾訥沁
設守備一把總一步隊一哨古城營設遊擊一守備一千總把
總經制外委九步隊一營馬隊一旗木壘營設守備一把總經
制外委三馬隊一旗中營另設蒙古把總二缺均歸總兵管轄
計設副將一遊擊四都司二守備七千總十一把總二十九經
制外委十八并總兵共官七十三人步隊五營一旗一哨馬隊
七旗除火勇共正勇三千五百十七人

伊犁鎮標設中左右三營遊擊三守備五千總把總經制外委二
十七步隊三旗馬隊五旗綏定城守營都司一守備一千總把
總經制外委五步隊一旗開花礮隊一哨甯遠營都司一守備
一千總把總經制外委七步隊一旗馬隊一旗霍爾果斯參將
一守備二千總把總經制外委十步隊一旗馬隊二旗均歸總
兵管轄計設參將一遊擊三都司二守備九千總十二把總二

十三經制外委十四并總兵共官四十九人步隊六旗馬隊八旗除火勇其正勇三千一百零六人

塔城協標設中左右三營計都司二守備四千總把總經制外委二十有四步隊三旗馬隊四旗除火勇共正勇九百九十八人總計南北兩路共有兵三萬一千人統由巡撫節制章下悉經兵部覆准此兵制之一變也

新疆圖志卷五十一

軍制三

中東戰爭而後京卿盛宣懷條陳自强大計以練兵為今日要務

略云今日廢餉千餘萬以養無用之練兵復廢餉千餘萬以養有用之練勇擬定二三十年所謂有用之練勇一旦臨敵其價
事與練兵等今宜天下盡分十餘萬練新兵三十萬人為常備兵教練二年退為豫備兵又三年退為民兵又五年除其兵籍舉舊
有之練營勇
營悉去之而廷臣亦復疏請裁汰各直省冗兵以節餉需光緒二十

二年

詔曰練兵一條為各省將軍督撫專責不論綠營勇營當此餉項
支絀均應大加裁汰該將軍督撫等奉到此旨務須腳踏實地見
諸施行毋得粉飾因循一奏塞責欽此是時新疆以地處邊徼英
俄接壤防務刻不容緩未能據議裁革至光緒二十九年巡撫潘
效蘇請遣散內地客勇改練土著世襲兵以固邊防而紓餉力計
步兵一名撥給上地十畝牛馬各五隻羊十隻馬兵加倍管旗哨
官營書哨書差弁親兵護兵長人等層遞加倍令其家屬耕牧內
抽壯丁一人入伍充兵月給鹽菜銀九錢倉糧四斗其章程大概

如左

撫標步隊二千五百人馬隊一千一百三十人專防步隊一百人
計應撥上地十萬二千六十畝給羊十二萬一千一百九十隻
月支薪水公費鹽菜馬乾銀九千九百三十兩九錢月支糧一
千四百八十四石四斗

喀什噶爾提標步隊二千四百人馬隊七百七十人專防步隊二
百人計應撥上地九萬九百七十畝給羊十萬三千五百隻月
支薪水公費鹽菜馬乾銀八千三百七十七兩九錢月支糧一
千三百二十四石四斗

阿克蘇鎮標步隊一千七百五十人馬隊五百三十人專防步隊
一百人計應撥上地六萬三千七百四十畝給羊七萬二千四
百四十隻月支薪水公費鹽菜馬乾銀五千八百五十五兩四
錢月支糧九百三十五石六斗

巴里坤鎮標步隊一千一百五十人馬隊四百八十人計應撥上

地四萬四千一百九十畝給羊五萬二千二百五十隻月支薪
水銀公費鹽菜馬乾銀四千二百六十一兩九錢月支糧六百
四十石

伊犁鎮屬步隊二千一百五十人馬隊五百九十人專防步隊一
百人計應撥上地七萬五千六百九十畝給羊八萬五千四百
七十隻月支薪水公費鹽菜馬乾銀六千九百四十四兩三錢
月支糧一千一百一十六石八斗

其後以餉項無著旋興廢三十年七月巡撫潘效蘇又以新疆標
營欠餉過鉅汰弱留強藉資節省以清積欠而免譁潰具奏

疏云新疆每年原分

協餉二百四十餘萬均係計日授食之需自二十六年學匪肇行各省關祇解到銀一百七十八萬餘二十七午祇解到銀一百六十五萬餘二十八年亦祇解到銀二百五萬餘賠款一項前任撫臣德齡誤作一年認解銀四十萬兩並未履及逐年籌解之難內地協餉既不足敷復添此賠款四十萬以入抵出益行拮据而新疆地方遠隔兵力太單不敷分布又未敢輕議裁撤於是每月祇發兵勇現餉二十日扣存十日通計每年發餉八個月欠餉四個月存餉日積日多終無了局而行兵勇原定坐餉每月三兩六錢扣發十日祇得二兩四錢邊地百物昂貴食用不足恐釀迭興譁潰勢所不免臣於二十八年蒙 恩補授斯缺冬間入新沿途兵勇求發欠餉情詞急迫臣親到切開導俟到任後設法清釐尙無異言迨抵省接篆之次日體應禱定於辰時起程省城兵勇紛紛聚論欲開與索兩語多無狀復經臣再三傳諭無論欠餉若干均惟新任是問也不得聚衆譁議致干軍律各將領亦多方勸諭諸事乃息體應延至申刻始得出城旋傳海司查問庫存餉銀五十餘萬積欠營勇餉銀一百二十餘萬臣與司道將領反覆籌

商苦無善策內地協餉解不足敷本省又無款可籌今欲清償餉滿發新餉舍裁兵別無辦法然新疆與內地不同疆域廣遠種類龐雜且喀什伊犁塔城與英俄接壤自東省事起邊防尤為吃緊駐兵太少不足以資彈壓况一議裁汰各兵勇皆關內之人若

不妥爲女插資遺歸籍必致流離滋事有此數端無怪乎前任之不議裁兵祇開短欠暫願目前之急也臣初蒞任即值賑務萬分之際通盤籌畫分別緩急輕重與其留兵不裁禍鉅且速不如決意裁汰督飭地方文武嚴防地面整飭營規或可消患於未形定議後即通飭撫提鎮協各標嚴加裁汰截至二十八年年底止查原存員弁勇夫三萬二千餘人內車夫馬夫子藥夫獸夫棚夫私夫火夫八千餘名正勇火勇二萬四千餘名此次裁汰老弱挑選精壯凡步隊四百餘人一營者挑留正勇二百人三百餘人一旗者挑留正勇一百六十人馬隊一百二十餘人一旗者挑留正勇五十人其餘各項勇夫亦隨同正勇分別遣存所有裁汰之兵願留新者存餉如數發給並發恩餉一月由各營官按名分起包圍池兵並餉就近送交各地方官按名發給凡種地者交農約保領貿易者交商首保領作藝者交行頭保領不服約束流蕩無歸者以游勇論其情願歸籍者存餉如數發給恩餉發給到籍之日止自出籍日起派員分起管解按日發給餉銀送至嘉餘關內肅州遣散仍扣算到籍站程應發餉銀若干交肅州牧點發令其自行回籍並造冊咨明陝甘督撫提鎮臣轉飭沿途文武嚴行稽察以免滋生事端至挑留之兵自二十九年正月起按名按月發給滿餉極力整頓務期一兵得一兵之用惟輻輳周二萬里留兵無多又皆祇發坐餉儘能專顧防卡隘及謹送餉裝人犯諸事設南北兩路一旦有警仍苦無兵調撥自不得不預爲籌備除省城原有兩隊兩旗左右兩翼練軍馬隊六旗親軍砲隊一隊均未敢更動外復將新字營步隊一營全數裁改並在各標遺勇內挑留精健中前左右後五營每營四百人共二千人照坐餉章程量爲加增以中營駐省城前營駐喀什方營駐阿克蘇右營駐伊犁後營駐哈密動時操練以資遊巡而備征調又於省城設巡警兵一營凡四百人其餘各府州縣相度城關之廣狹戶口之繁簡以定巡警兵之多寡五八爲伍大約極繁極寬之處以十五伍爲度其次以十伍爲度又次以五伍爲度現據報辦成者已六百人以上標防巡練各軍馬步合算除各項營夫外原存正勇火該勇二萬四千餘人裁汰正勇九千餘人其火勇千六百餘人全數裁撤共祇挑存正勇一萬三千餘人均勻布置嚴密巡防該

部核准卽將原存額設統領營旗官哨長三百七十五人增設六十員爲四百三十五人原存額設巡查一百二十六人減二人爲一百二十四人原存額設營哨書弁勇二萬四千一百八十八人減一萬二千六百三十六人爲一萬三千九百四十四人原存額設火勇一千六百七十八人減一千六百四十六人爲三百三十二人原存額外伙夫七百七十人減四百三十二人爲三百三十八人原

存額外馬夫私夫車夫棚夫子藥夫駝夫五千五百三人減一千六百九十三人爲四十三人其制

撫標

馬隊九旗

本城駐中營左營左營左營左營左營左營左營左營左營左營右旗各一略喇巴爾葛遜濟木薩精河庫爾喀喇烏蘇各一

每旗以五十四人爲

定額管帶官一哨長二巡查四營書二領旗六親兵十哨書護

兵八馬勇二十四九旗共四百五十人

步隊七營

本城駐中左城守各一精河濟木薩瑪納斯各一

每營以二百七人爲定額管帶官一哨

長四巡查二營書三什長十九親兵三十二哨書護兵十二正

勇一百三十四七營共一千四百人

又步隊三旗

本城駐城守一吐魯庫爾喀喇烏蘇各一

每旗以一百六十五人爲定額管帶

官一哨長三巡查一營書二什長十五親兵三十二哨書護兵

九正勇一百二三旗共四百八十人

親軍衛隊步隊一旗以三百六十七人爲定額管帶官一哨長

三巡查一營書三什長二十八親兵四十四哨書護兵十五正

勇二百四十火勇三十二實計營書親護正勇三百六十二人
親軍衛隊馬隊一旗以一百二十六人為定額管帶官一哨長
二巡查一營書二領旗十親兵二十七哨書護兵十實計營書
親護正勇一百二十人

練軍左右兩翼馬隊六旗左右翼各設中左右三旗每旗以二百二十七人為定

額管帶官一哨長二巡查二營書二領旗十一親兵二十七哨
書護兵十馬勇七十二六旗共七百三十二人

親軍礮隊一哨以九十二人為定額管帶官一哨長一營書一
什長六護兵四礮勇七十二火勇七實計營書親護正勇九十
人

巡營步隊一營以四百一十人為定額管帶官一幫帶官一正
副哨長八差弁九營書三什長四十親兵六十三哨書護兵二
十五正勇二百六十實計營書差弁親護正巡兵四百人
續備中營步隊一營以四百一十人為定額管帶官一幫帶官

一正副哨長八營書三差弁九什長四十親兵六十三哨書護
兵二十五正勇二百六十實計營書親護正勇四百人

撫標過山礮隊城守協礮隊二哨每哨以六二十人為定額管
帶官一哨長一營書一什長五護兵二礮勇五十二實計二哨
營書親護礮勇共一百二十人

合撫標所屬共馬隊十六旗步隊九營四旗礮隊三哨營旗哨長
巡查一百六十五人營書親護正勇巡兵四千五百五十六人

喀什提標

馬隊十四旗

提標中營左旗右旗左營左旗右旗右營左旗前營中旗城守營中軍各
一回城協營左右旗各一砂車協營中左右各一和蘭英吉沙爾各一

每旗官弁兵

額如撫標馬隊旗制十四旗共七百人

步隊八營

提標中左右前城守各
一回城砂車和蘭各一

每營官弁兵額如撫標步隊營制八營

共一千六百人

又步隊二旗

英吉沙爾瑪
納巴什各一

每旗官弁兵額如撫標步隊旗制二旗共

三百二十人

續備前營步隊一營每營官弁兵額如撫標續備中營營制計
四百人

喀什城守營礮隊一哨每哨官弁兵額如撫標礮隊營制計六
十人

合喀什提標所屬共馬隊十四旗步隊九營二旗礮隊一哨營旗
哨巡查一百三十四人營書親護正勇三千八十人

阿克蘇鎮標

馬隊七旗鎮標中營左旗右旗左營右旗各一哨喇沙爾中旗庫車營中旗老湘軍親軍中旗烏什協左旗各一每旗官弁兵額如提標馬

隊旗制七旗共三百五十人

步隊四營鎮標中左各一哨喇沙爾烏什各一每官弁兵額如提標步隊營制四營共八

百人

又步隊四旗城守庫車潘昌烏什各一每旗官弁兵額如提標步隊旗制四旗共

六百四十人

阿克蘇城守營礮隊一哨每哨官弁兵額如提標礮隊營制計六

十人

續備左營步隊一營每營官弁兵額如提標續備中營營制計
四百人

羅布淖爾屯防步隊一哨以七十一人為定額守備一哨長一
營書一什長六護兵二正勇六十實計營書親護正勇六十九
人

合阿克蘇鎮標所屬馬隊七旗步隊五營四旗一哨礮隊一哨營
旗哨巡查九十人營書親護正勇二千三百一十九人

巴里坤鎮標

馬隊五旗鎮標中營中旗老湖中旗各一每旗官弁兵額如阿克蘇鎮標旗制

五旗共二百五十人

步隊二營鎮標中營每營官弁兵額如阿克蘇鎮標步隊營制二營

共四百人

又步隊二旗鎮標左營每旗官弁兵額如阿克蘇鎮標步隊旗制

二共三百二十人

續備後營步隊一營每營官弁兵額如阿克蘇鎮標續備中營
制計四百人

哈密納沁營屯田步隊一哨每哨官弁兵額如阿克蘇鎮標羅
布淖爾屯防營制

合巴里坤鎮標所屬共馬隊五旗步隊三營二旗一哨營旗哨巡
查五十六人營書親護正勇一千四百三十九人

伊犁鎮標

馬隊八旗鎮標中營左旗右旗左營右營中旗各一每旗官弁兵額如阿克蘇鎮

標馬隊旗制八旗共四百人

步隊六旗鎮標中左右各一城守每旗官弁兵額如阿克蘇鎮標步隊旗

制六共九百六十人

續備右營步隊一營每營官弁兵額如阿克蘇鎮標續備中營

制計四百人

綏定城守營礮隊一哨每哨官弁兵額如阿克蘇鎮標礮隊營制計六十人

合伊犁鎮標所屬共馬隊八旗步隊一營六旗礮隊一哨營旗哨巡查七十四人營書親護正勇一千八百二十人

塔城協標

馬隊五旗

協標左右前後各一定邊七旗一

每旗官弁兵額如鎮標馬隊旗制五旗共

二百五十人

步隊三旗

協標中左右各一

每旗官弁兵額如鎮標步隊旗制三旗共四百

八十人

合塔城協標共馬隊五旗步隊三旗營旗哨巡查三十五人營書

親護正勇七百三十人

全疆撫提鎮協各標共有馬隊五十五旗步隊二十七營二十一

旗二哨礮隊六哨內除火夫馬夫私夫馱夫車夫子藥夫均不列

入正額計營旗哨巡查五百五十四人營書親護正勇一萬三千

九百四十四人是因節餉而議裁兵此兵制之二變也

巡防隊

光緒三十三年五月十七日陸軍部奏 准擬訂巡防隊暫行章

程分咨各省新疆巡撫聯魁督同布政使王樹枏暨督練公所司

道就原有各標路防營練軍人數餉項通盤籌畫奏遵部議改編

疏云查新疆置省之初前撫臣劉錦棠及護理撫臣魏光燾先後奏設撫提鎮各標營計共員弁勇丁二萬四千三百餘人後因協

餉維艱陸續裁併迫前撫臣潘效蘇因庚子以後餉項奇絀復大加裁減每隊每營漢存留多者不過二百人少僅百六十或百二

十人不等馬隊每隊只存留五十員名通計合省馬步僅存一萬四千餘人歲需餉乾糧項銀一百一十六萬兩於餉項節省實

多惟新疆外疆強鄰內統諸部絕域安危動關全局似此營不成營旗不成旗安匪獨樹一幟而所練新軍僅二千七八百人規模

初具亦未能即成勁旅奴才每與司道提撫籌及邊事輒以兵力單弱為慮現奉通行章程自應遵照將全省舊有各營旗一律改

編從新整頓就地勢而論東向以哈密巴里坤為門戶西向以伊犁喀什噶爾為門戶而迪化與阿克蘇實握南北兩路之中樞必

須區分五路方足以資鎮懾擬將撫標各營汛為中路設步隊九營馬隊六營喀什提督管轄各營汛為前路設步隊七營馬隊七

營巴里坤管轄各營汛為後路設步隊四營馬隊四營阿克蘇鎮管轄各營汛為左路設步隊七營馬隊五營伊犁鎮管轄各營汛

為右路設步隊五營馬隊五營通省共設步隊二十二營馬隊二十七營即以現任大小各武職酌量分別委任以提督總兵為統
領設幫統以副參游都守為管帶並以守備千把外委酌充哨官哨長查新省現任各武職多係從前帶勇立功之人既符部章
與劉錦棠設標原奏以官帶勇之議亦屬相合遵章每步隊一營額設官弁兵夫三百一人每馬隊一營額設官弁兵夫一百八十
一人額馬一百二十五匹惟新省舊章馬隊營書議兵均給馬一匹與馬勇等各給夫半名此水馬隊改編之議兵及書記長司書
生等應照舊章各給馬一匹與馬勇等各給夫半名計馬隊每營須增額外馬夫六十三人馬二十二匹綜計馬步五十九營共設官
弁兵夫一萬四千六百三十九人額馬三千六百五十五匹額外馬夫一千七百一十一人馬五百九十四匹內統領管帶等官及哨官
哨長均照舊章支食廉俸每月酌加公費統計一切並應添派每年約需現餉銀一百一十萬兩內外較原設標路各營旗哨人數並未
減少而原有餉項略足相抵仍俟設定後由奴才商同各提鎮查照原日汛地或分營或分哨擇要駐紮認真操練並將軍服一項
先行按照圖說製備飭各營一律改換以肅軍容從此集腋為裘振刷為強無事之時可以緝捕盜賊捍衛地方有事之時可以協
力守禦為陸軍聲援裨益邊防實非淺鮮嗣後各營將弁儘有仍蹈故習違章濫扣等弊奴才仍當分別參辦決不姑容庶於部臣

原奏因防額整二義不相刺部覆報可惟於額外馬夫駁令裁減嗣因各屬巡警兵未

臻完善經巡撫聯魁奏准抽巡防步隊六營額餉分練警兵又因

就標營改編汰除孱弱甚多適值餉項支絀復奏請將汰除之兵

暫時懸額俟餉源畧裕再行募補足額疏云自改編巡防隊後奴才疊經嚴飭各路統將從前孱弱一律汰除力求精壯其汰除名數實成據實

中報另行募補以第一兵得一兵之用旋據各營呈報認其汰除約有三四成之多本應如數補足據布政使王樹柟鎮道兼按察使銜榮壽詳稱目前地方粗安各營挑存精壯並地衝解分撥填紮是宜防守正餉項奇絀接濟維艱懇請將各營汰除之兵

暫時懸額俟餉源略裕再行募補足額等情奴才維邊地軍政最關緊要陳軍尚未成鎮巡防隊為地方安危所繫未敢輕議裁減奈為餉項所窘過舉濟苦又別無利源可籌暫將孱弱汰除酌量補補此舉挪挹注亦係出於萬不得已計劃

分中前左右後五路設馬步五十二營按照部章編制仍以舊有

之大小武職分任統帶每路統制設統領官一書記官一會計官

一執事官一司書生二馬弁二護兵十四伙夫二惟中路僅設統

領官一請新疆巡撫兼充幫統官一以通化城守協兼充其書記會計執事各官及司書生馬

弁護兵伙夫均從緩設步隊每營管帶官一哨官三哨長三什長

二十四正兵二百十六書記長一司書生五鼓號目一鼓號兵六

護目一護兵十六伙夫二十四馬隊每營管帶官一哨官三哨長

三什長十二正兵一百八書記長一司書生五鼓號目一鼓號兵

六護目一護兵十六伙夫十二馬夫十二分哨分棚擇要駐紮其駐紮處所及各營懸缺待補實數詳注於後

中路撫標設步隊七營馬隊六營

步隊第一營駐省城以城守協暨協屬中旗併成已設官弁兵夫二百九十九人懸缺兵夫二人分作三哨每哨八棚每棚什長一正兵九伙夫一

步隊第二營駐省城以撫標中營左營右營併成已設官弁兵夫及懸缺兵夫分哨分棚各制俱同上

步隊第三營駐省城以親軍衛隊編成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

步隊第四營駐濟木薩以濟木薩營編成已設官弁兵夫一百二十三人懸缺兵夫一百七十八人分作三哨中哨四棚左右兩哨各二棚每棚制如前

步隊第五營駐吐魯番以吐魯番營編成已設官弁兵夫一百七十八人懸缺兵夫一百二十三人分作三哨中哨五棚左右兩哨各四棚每棚制如前

步隊第六營駐綏來以綏來協營編成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

步隊第七營駐庫爾喀喇烏蘇以烏蘇營編成已設官弁兵夫一百二十三人懸缺兵夫一百七十八人分作三哨中哨四棚左右兩哨各二棚每棚制如前

馬隊第一營駐省城內分一哨紫泉康縣以迪化城守協標左旗及濟木薩營

左旗馬隊併成已設官弁兵夫一百一十九人懸缺兵夫六十二人分作三哨中哨三棚左右兩哨各二棚每棚什長一正兵九伙夫馬夫各一

馬隊第二營駐省城內分一哨駐呼圖壁以撫標中營左旗及左營左旗併成

已設官弁兵夫及懸缺兵夫分哨分棚各制俱同上

馬隊第三營駐省城以親軍馬隊一旗改編已設官弁兵夫及

懸缺兵夫分哨分棚各制俱同上

馬隊第四營駐達坂城內分一哨駐托克遜以噶遜營馬隊及吐魯番左旗馬

隊併成已設官弁兵夫及懸缺兵夫分哨分棚各制俱同上

馬隊第五營駐瑪納斯內分一哨駐烏蘭烏蘇以瑪納斯協左右兩旗併成已

設官弁兵夫及懸缺兵夫分哨分棚各制俱同上

馬隊第六營駐庫爾喀喇烏蘇內分一哨駐奎屯一哨駐車排子以烏蘇營中軍馬隊

一旗改編已設官弁兵夫一百七人懸缺兵夫七十四人分作

三哨每哨各二棚每棚制如前

前路喀什噶爾提標設步隊六營馬隊七營

步隊第一營駐喀什漢城以提標中營及英吉沙爾營併成已

設官弁兵夫二百三十三人懸缺兵夫六十八人分作三哨每

哨六棚每棚制如中路

步隊第二營駐喀什漢城以提標左營右營併成已設官弁兵夫及懸缺兵夫分哨分棚各制俱同上

步隊第三營駐喀什漢城分哨駐大阿圖什卡依斯里克卡塔什密里克卡烏帕爾卡等處以提標城守營及

城守礮隊併成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

步隊第四營駐回城分哨駐明約路及喀浪圭卡以回城協及瑪納巴什營併成已

設官弁兵夫及懸缺兵夫分哨分棚各制俱同上

步隊第五營駐莎車府城分哨駐蕭穆城以莎車協營編成已設官弁兵

夫及懸缺兵夫分哨分棚各制俱同上

步隊第六營駐和闐州城以和闐州營編成已設官弁兵夫一

百七十八人懸缺兵夫一百二十三人分作三哨中哨五棚左

右兩哨各四棚每棚制如前

馬隊第一營駐喀什漢城以提標練軍左旗編成已設官弁兵

夫一百一十九人懸缺兵夫六十二人分作三哨中哨三棚左

右兩哨各二棚每棚制如中路

馬隊第二營駐喀什漢城

分哨駐布倫庫爾木虎木吉蘇巴什伽師等處

以練軍左旗馬隊編成

已設官弁兵夫及懸缺兵夫分哨分棚各制俱同上

馬隊第三營駐喀什回城

分哨駐烏魯克塔提哈瑪克卡爾善克塔什卡業干卡等處

以回城協標左右兩

旗馬隊編成已設官弁兵夫及懸缺兵夫分哨分棚各制俱同

上

馬隊第四營駐英吉沙爾廳城以提標小馬隊及英吉沙爾營

中軍馬隊併成已設官弁兵夫一百七人懸缺兵夫七十四人

分作三哨每哨兩棚每棚制如前

馬隊第五營駐葉成

分一哨駐皮山一哨駐沙車

以莎車協標左右兩旗馬隊編成

已設官弁兵夫一百一十九人懸缺兵夫六十二人分作三哨

中哨三棚每棚制如前

馬隊第六營駐于闐縣城

分哨駐洛浦卡層等處

以和闐中軍馬隊編成已設

官弁兵夫一百七人懸缺兵夫七十四人分作三哨每哨三棚

每棚制如前

馬隊第七營駐巴楚州城以提標中營左右兩旗編成已設官弁兵夫一百一十九人懸缺兵夫六十二人分作三哨中哨三棚左右兩哨各二棚每棚制如前

左路阿克蘇鎮標步隊五營馬隊六營

步隊第一營駐溫宿府城以鎮標中營編成已設官弁兵夫一百七十八人懸缺兵夫一百二十三人分作三哨中哨五棚左右兩哨各四棚每棚制如前

步隊第二營駐溫宿府城以鎮標左營及礮隊併成已設官弁兵夫及懸缺兵夫分哨分棚各制俱同上

步隊第三營駐烏什廳城以烏什協標編成已設官弁兵夫及懸缺兵夫分哨分棚各制俱同上

步隊第四營駐庫車州城以庫車營編成已設官弁兵夫及懸缺兵夫分哨分棚各制俱同上

步隊第五營駐焉耆府城

分哨駐蒲昌及卡克里克等處

以喀喇沙爾營蒲昌營卡克

里克營併成已設官弁兵夫二百九十九人懸缺兵夫二人分作三哨每哨八棚每棚制如前

馬隊第一營駐溫宿府城以鎮標練軍馬隊編成已設官弁兵夫一百一十九人懸缺兵夫六十二人分作三哨中哨三棚左右兩哨各兩棚每棚制如前路

馬隊第二營駐溫宿府城

分哨駐拜城

以鎮標小馬隊編成已設官弁

兵夫一百七人懸缺兵夫七十四人分作三哨每哨二棚每棚制如前

馬隊第三營駐溫宿縣城以鎮標中營左旗編成已設官弁兵夫及懸缺兵夫分哨分棚各制俱同上

馬隊第四營駐烏什廳城以烏什協標左旗編成已設官弁兵夫及懸缺兵夫分哨分棚各制俱同上

馬隊第五營駐庫車州城以庫車營左旗馬隊編成已設官弁

兵夫及懸缺兵夫分哨分棚各制俱同上

馬隊第六營駐庫爾勒分哨駐焉耆輪臺等處以喀喇沙爾營中軍馬隊編成

已設官弁兵夫及懸缺兵夫分哨分棚各制俱同上

右路伊犁鎮標設步隊四營馬隊五營

步隊第一營駐綏定城分一哨駐雷達縣城以鎮標各營及綏定甯遠城守營

併成已設官弁兵夫二百九十九人懸缺兵夫二人分作三哨

每哨八棚每棚制如左路

步隊第二營駐瞻德城分一哨駐霍爾果斯廳城以鎮標各營及霍爾果斯營併

成已設官弁兵夫及懸缺兵夫分哨分棚各制俱同上

步隊第三營駐精河廳城以精河營編成已設官弁兵夫及懸

缺兵夫分哨分棚各制俱同上

步隊第四營駐塔城以塔城協營編成已設官弁兵夫及懸缺

兵夫分哨分棚各制俱同上

馬隊第一營駐霍爾果斯廳城分哨駐德城等處以鎮標各營及霍爾果斯

營併成已設官弁兵夫一百一十九人懸缺兵夫六十二人分作三哨中哨三棚左右兩哨各二棚每棚制如左路

馬隊第二營駐甯遠縣城分哨駐城盤子殺定白楊溝等處以鎮標各營及甯遠營併

成已設官弁兵夫及懸缺兵夫分哨分棚各制俱同上

馬隊第三營駐蘆草溝分哨駐菓子溝張陽洞等處以鎮標各營編成已設官弁兵

夫及懸缺兵夫分哨分棚各制俱同上

馬隊第四營駐精河廳城分哨駐大河沿二台松樹塘等處以精河營編成已設官弁

兵夫及懸缺兵夫分哨分棚各制俱同上

馬隊第五營駐塔城以塔城協營編成已設官弁兵夫及懸缺

兵夫分哨分棚各制俱同上

後路巴里坤鎮標設步隊三營馬隊四營

步隊第一營駐鎮西廳城以鎮標中營城守營併成已設官弁

兵夫一百七十八人懸缺兵夫一百二十三人分作三哨中哨

五棚左右兩哨各四棚每棚制如右路

步隊第二營駐古城以鎮標左營編成已設官弁兵夫及懸缺兵夫分哨分棚各制俱同上

步隊第三營駐哈密城以哈密協及塔爾納沁營併成已設官弁兵夫二百一十一人懸缺兵夫九十人分作三哨中哨六棚左右兩哨各五棚每棚制如前

馬隊第一營駐鎮西廳城以鎮標中旗及小馬隊併成已設官弁兵夫一百七人懸缺兵夫七十四人分作三哨每哨二棚每棚制如右路

馬隊第二營駐木壘河

分哨駐奇臺

以鎮標左營中軍馬隊編成已設官弁兵夫及懸缺兵夫分哨分棚各制俱同上

馬隊第三營駐哈密城以哈密協標左旗馬隊編成已設官弁兵夫及懸缺兵夫分哨分棚各制俱同上

馬隊第四營駐哈密城以哈密協標右旗馬隊編成已設官弁兵夫及懸缺兵夫分哨分棚各制俱同上

統計五路馬步五十三營中路統制設統領一員幫統一員前左
右後四路統制全設共已設官弁兵夫八千七百八十人懸缺待
補兵夫三千九百一十一人由標營而變為巡防隊此兵制之三
變也

新軍

新疆奉改練鎮兵之

旨以餉項奇絀久未舉行自巡撫吳引孫蒞任伊始即以前撫臣

潘效蘇創辦土著世襲兵邊防廢弛苦累民生擬請停止改練新

軍

疏云竊新疆近年餉源枯窘各省關自顧不協募餉不足額加以幅遠邊關俄英連界兵單地廣防不勝防光緒二十九年
二月間前撫臣潘效蘇因裁兵節餉 奏請創辦土著世襲兵招募回專事屯牧新定章程每月兵月給餉銀九錢糧四斗
意謂屯牧獲利每年分給各兵可抵月餉並擬屯牧需本甚鉅初擬息借洋款旋因息重未借經戶部電覆令就現餉勻撥起知勸
民以興墾效則易為功費兵以興屯牧則難為力新疆自開闢行省以來前撫臣劉錦棠飭集營兵發給牛羊種籽廣開屯牧旋辦
旋止前撫臣饒應祺派兵開屯羅布淖爾安插受撫各回事歷數年款糜鉅萬卒因舉未擇地土性多鹵仍就荒蕪戶口亦多遊散
蓋緣西北與辦屯牧寓兵於農本為古法然民間擇地自墾自牧易於圖成非若官辦兵屯兵牧利少弊多徒滋耗費以劉錦棠饒
應祺之經營雖不惜巨貨尚無實效今欲省事速舉年而告成功烏可得哉嗣因練兵處體練新軍藉名雜飾 奏改為常備
兵並期三十數年之後糧足羊多祇需餉十餘萬兩其實徒託空言所稱常備兵者仍照初章辦理第於募用疆回之中參用流
寓漢民稍杜口實兩年以來強民為兵按戶派充民間視為畏途應選者大半逃亡營哨官迫於功令或出金私雇藉以足額標營
兵勇向章口糧本重今每月減給銀糧復令屯牧以今觀昔勢遠迥殊多不樂從至撥地給羊事本勉強承辦委員等曲意逢迎不
求實事惟圖卸過與民爭地爭渠營兵俾於無從應選勒迫令選徒並減價派羊強佔民間草湖牧地民怨漸熾率多上控數十
年聚族於新田疇慮舍牲畜拱手而屬他人因相與扶老攜幼憤吞聲露處於廣漠寒曠之地聞者覺觸目者傷心草場收羊本

求實事惟圖卸過與民爭地爭渠營兵俾於無從應選勒迫令選徒並減價派羊強佔民間草湖牧地民怨漸熾率多上控數十
年聚族於新田疇慮舍牲畜拱手而屬他人因相與扶老攜幼憤吞聲露處於廣漠寒曠之地聞者覺觸目者傷心草場收羊本

分冬夏兩季冬取向陽夏取背陰自劃歸營兵求牧失地宜於夏者不宜於冬且牧羊必得其性蒙古哈薩克逐水草而居故善牧
養者同游夜同處故華生其兼今募世襲兵撥以羊隻既不擇牧地又不識畜性因是倒斃十居六七華生甚少羊本多虧故屯牧
兩事費帑不資利未見而害先形終歸無濟前撫臣潘效蘇創議此舉屢經文武各官等勸阻嗣亦深悉事多窒礙其明知不可為
而為之者殆以半途中止貽人笑柄陷出爾反爾之議以故執意徑行既鋪張粉飾於先復遷就彌縫於後邊防幸無事而小民
之受累已深潘效蘇此次巡閱南疆目睹派羊擾害已通飭各屬將羊隻退還繳本而世襲兵迄未議停新省客勇遣散已多所留
存者欠餉至今未清現計留存客勇及新募糧回等約共一萬餘人倘此萬餘人不辦屯牧專事操防尙可為緩急之恃無如以月
給數錢收斗之銀糧而致力於屯牧不可必之利更責以操防訓練其何能及一旦有事無論禦外侮難即緝內匪亦難矧關外地
瘠民貧謀生不易傭工價昂土著均不願應募即使應募回性多惡蠢殺蹂升木貽害不可勝言漢裝回教心計叵測正宜膏以
兵威方免後患更未便使綠軍藉今閩省裁兵太多種類屢難逼近強鄰在在可慮辦屯牧而成效難期仍嗟無餉募糧固而隱憂
已伏幾等無兵臣重在添權觀茲時局所關實有迫不及待之勢用是改絃易轍萬不敢再事遷延業以電商提鎮各道迅飭印委
各員將世襲兵事宜一律停辦已募之糧漢各回撤令撤退更換並飭地方官會同營管踏勘擇其有水無嫌可望收成者或酌量
留存招佃耕種或退歸原主令其照常自種納糧所似羊隻僅備傷悉數退還民間令繳成本屯牧總局亦即裁撤新疆為古游牧之
地總漢各回民等墾牧原為當務之急擬仍令各屬隨時勸民耕土宜順物性切實講求以盡地利不得因世襲兵停辦遂視民間
墾牧為緩圖臣查三十年戶部議擬新疆裁兵節餉與辦屯牧一摺內稱種族之法備難恃回民之反覆無常尤須顧慮及之應會
同陝甘總督臣喀什噶爾提督臣詳慎籌維妥協辦理又稱此次嚴加裁汰第屬權宜之計斷非久遠之圖各等因在部臣洞悉邊
情固早見及於萬里之外臣才庸識短原不敢遽議更張惟體察情形權衡輕重不能不急請停止整頓變通勉為邊陲作未雨綢
繆之策况練兵處所各陸軍營次餉章各節及各學堂章程屢次電催各直省皆次第舉行獨新疆因餉項奇絀尙未籌辦現值時
局艱危一朝廷以練兵為急務新疆屬在邊隅尤宜及時訓練以副 諭旨整齊畫一之意臣伏讀軍機大臣字寄本年八月十四
日奉 上諭長庚現已請調到任著將應辦事宜認真經理所有新疆地方文武及兵餉一切事務均歸該將軍節制其應如何籌
餉練兵整頓地方之虞著會同潘效蘇悉心通籌妥議具奏等因欽此仰見 宮廷宵旰憂勤慮念邊城馳駘之下欽佩莫名刻下
伊犁將軍臣長庚到任需時操防喫緊未敢稍事推延臣現調續備左右前後四營及駐省之中管屯聚一處選將領習教習按照
舊章認真編練力除營勇舊習至省城原有之左右兩翼練軍馬隊城守協撫標中右各營旂暨破隊巡警兵亦悉令改練新
法臣續備軍調省乘操地方防務未宜鬆懈查伊犁塔城有將軍參贊鎮協馬步各營旗向足鎮懾惟喀什噶爾地處極邊防守最
關緊要阿克蘇巴里坤次之臣已電商各提鎮速撥兵勇駐紮如實在不敷分布應量為添募以期防堵嚴密無稍疏虞所需餉項
臣當接練兵處變通制略就現有之餉預為籌畫量增加餉需難濟本不可過多
論新制初頒亦不宜太少務期懇儉得中令將士踴躍歡欣人人有忠義勃發之氣

經練兵處會同兵部具奏議覆奉

新軍者卽陸軍也業

旨允准未及

奏報而吳引孫已卸事矣巡撫聯魁接篆之後以新省原有續備步隊五營及左右兩翼馬隊六旗已經前撫臣吳引孫調集省城挑選裁併改編步隊三營爲一標馬隊兩營礮隊一營爲一標共爲減成協卽將營制餉章

奏咨立案部議駁覆以爲編練新軍必須徵募土著方符定章該省以漢少回多限於人地擬將舊有續備五營馬隊六旗挑選新軍係爲變通辦理起見應卽准其試辦至馬礮隊爲一標編制糗雜教練較難且與制章不合應令馬礮分設徑隸協統管轄馬隊既有兩營卽編爲第一第二兩營暫虛第三營礮隊卽編爲第一營暫虛第二第三兩營俟該省餉項充裕再行添足至營制內步隊旣成足一標其統帶項下除標旗尙未頒發掌旗官無庸設立副軍醫官難得專門之選均暫准不設其執事官一副軍需官一皆有應辦之事仍應照章添設俾專責成於是新疆陸軍悉遵部

議設定惟馬隊則於編制時卽添設三營成足一標又設工程隊

一隊卽爲今制

督練處

爲全省軍事總匯之區督練省內所有軍隊及陸軍各學堂並輔佐督撫以開教育訓練改良劃一

督辦

以新疆巡撫兼攝管轄督練處一切事務

兵備處

總辦

以藩司兼充稟承督辦考核章制及各營功過賞罰籌備糧餉軍械醫務等事

文案一

參謀處

總辦

以藩司兼充稟承督辦贊佐調度策畫並考查中外輿圖形勝等事

文案一

教練處

總辦已經歸併於兵備參謀兩處仍以藩法兩司兼充稟承督辦考查訓練兵隊暨審定學堂課程等事

一等副官一二等副官一一等書記一司書生三

籌備科

科長一一等科員一二等科員二三等科員二三等書記一司書生二

糧餉科

科長一 一等科員一 二等科員四 三等科員三 三等書記官一 司
法生九

軍械局

局長一 一等局員一 二等局員一 三等局員三 三等書記官一 司
書生二 局丁二 司門一

一協減成營制

統領官一 參軍官一 執事官一 二等書記官二 司書生二 司號長
一 弁目一 馬弁六 護兵十 伙夫二 騎馬七 匹

步隊一標減成營制

統領官一 教練官一 執事官一 副軍需官一 司號長一 二等書記
官二 司書生二 弁目一 馬弁四 護目一 護兵八 伙夫二 騎馬十七
匹

步隊一營減成營制

管帶官一 督隊官一 幫同教練
管理庶務 隊官四 每隊
一員 排長十二 每排
一員 正目三十六 每棚
一名

副目三十六每棚一名正兵一百四十四每棚四名副兵二百八十八每棚八名軍需長

一械裝服各事醫生一書記長一司書生六管帶官用二名每隊官各用一名號目一號兵八

每隊護目一護兵十八管帶官用六名每隊官各用三名匠目一槍匠一皮匠一備補兵三

十六每棚一名平時隨同操練遇有兵缺提補行軍時照料報棚及行李各件伙夫三十八管帶項下兵用二名每棚日兵各用一名駕車兵四喂養

夫四隨營車四輛駕車騾十二匹

馬隊減成營制

管帶官一督隊官一隊官四每隊一員排長八每排一員正目十六每棚一名副目十六

每棚正兵六十四每棚四名副兵一百二十八每棚八名軍需長一司務長一馬醫

生一查馬長一管理馬匹喂養考察馬匹強弱書記長一司書生六管帶官用二名每隊官各用一名號目一號

兵八每隊二名護目一護兵十二管帶官用四名每隊官各用二名匠目一掌匠四備補兵十六

每棚槍匠一皮匠一伙夫十八管帶官項下兵匠用二名每棚用一名駕車兵四喂養夫四馬夫

目四每隊一名分帶馬夫辦運勳草煮料掃除等事馬夫三十一每隊八名隨營車四輛駕車騾十二匹戰

馬二百六十四每隊官隊官排長司務長正副日兵號護目兵各一匹

陸路礮隊減成營制

管帶官一督隊官一隊官三每隊一員排長九每排一員正目二十七每棚一名副目二

十七每棚一名正兵一百八每棚四名副兵二百十六每棚八名軍需長一辦理本營糧餉裝服各事醫生

一馬醫生一書記長一司書生五每隊各用二名號目一號兵六每隊二名護目

一護兵十八管帶官用六名每隊隊官用四名匠目一礮匠一備補兵二十七每棚一名伙夫三

十一管帶官項下兵匠用四名每棚日兵各用一名駕車兵四喂養夫四馬夫目一每隊一名行軍時每隊加一名馬夫十

八每隊十三名行軍時馬數添足每隊加九名隨營車四輛駕礮車馬一百八匹礮十八尊每隊六尊

工程隊暫設一隊

管帶官一督隊官一隊官一排長三司書生二木匠三礮目一號

目一號兵二護兵六正目九副目九正兵三十六副兵五十四伙

夫十工程一隊住某城內暫歸統統發帶

陸軍小學堂一所

陸軍小學堂之設查部定章程陸軍小學為養成陸軍將官之初

級專教普通課及軍事初級學三年畢業升入陸軍中學以資深

造新疆自光緒三十三年巡撫聯魁以陸軍小學堂實為造就初

級軍官之基礎新省將弁雖不合材武之士祇以從軍塞外囿于見聞講習新操者蓋尤應及早開辦以儲將才遂就南城外機器局舊址添築堂舍卽行開辦以資造就將才云

管理員設總辦二

以布政使按察使兼攝

監督一提調二收支兼文案一

隊官一 排長三教

員設修身兼國文一英文一兵學一兵學兼圖畫一兵學兼格修身一歷史一地理一算學一算學助教員兼學長事一醫官兼衛生學一器械體操一學生額數定章二百一十名均分三年收足其學科曰修身曰國文曰外國文曰歷史曰地理曰算學曰格致曰圖畫曰兵學曰操練其分年講授階級以及一切管理諸務悉遵

奏定章程辦理惟經費則極力撙節較之原章稍形減少云

巡警

新疆自三十年巡撫潘效蘇奏准裁兵卽以轄境遼闊不敷分布議設巡警兵以資防禦惟彼時規模粗具未能遽臻完善至三十

新疆圖志
四年巡撫聯魁奏以巡防步隊可抽六營額餉奏請招練巡警得旨允准部臣恭錄

殊批行文新疆巡撫遵照迅將此項巡警共招募若干名何時起餉按照何處警章開支先行報部立案巡撫聯魁卽飭司會議以爲此次各屬編設警勇大致應仿照省城辦理而畧爲損益之以免兩歧計省外府廳州縣共三十九屬原議分最要次要中要三等通盤籌畫擬各設巡弁一巡記一教習一最要次要各巡丁四人中要設巡丁二人最要設巡目十四人及十八人不等次要設巡目四人中要設巡目四人最要設巡兵五十六人及四十人不等次要設巡兵二十四人中要設巡兵十六人各設伙夫一人議定卽通飭各屬如數招募卽爲今制茲將最設次要中要三等所設兵弁額數分晰列明

最要二屬

莎車府

疏附縣

每處設巡弁一巡記一教習一巡丁四人巡目十四人巡兵五十
六人伙夫一人

最要八屬

奇臺縣

綏來縣

綏定縣

塔城廳

庫車州

和闐州

焉耆府

溫宿府

每處設巡弁一巡記一教習一巡丁四人巡目十人巡兵四十人
伙夫一人

次要十三屬

昌吉縣

甯遠縣

溫宿縣

于闐縣

葉城縣

哈密廳

吐魯番廳

庫爾喀喇烏蘇

精河廳

烏什廳

英吉沙爾廳

巴楚州

疏勒府

每處設巡弁一巡記一教習一巡丁四人巡目四人巡兵二十四
人伙夫一人

中要十六屬

孚遠縣

阜康縣

鄯善縣

婁羌縣

新平縣

輪臺縣

沙雅縣

拜城縣

伽師縣

皮山縣

洛浦縣

鎮西廳

蒲犁廳

霍爾果斯廳

呼圖壁縣丞

柯坪縣丞

每處設巡弁一巡記一教習一巡丁二人巡目四人巡兵十六人

伙夫一人

合計三十九屬設巡弁兵夫一千五百三十人

新疆圖志卷五十二

物候一

天山居新疆之中由哈密向西南行至于闐縣名曰南路由鎮西向西北行至伊塔名曰北路南路地居山陽氣候同於內地北路地居山陰氣候沍寒與內地大殊惟伊犁平川九城山勢環抱登努斯口果子溝在其北穆素爾冰嶺在其南氣候介乎南北二者之間故諸物遲早不同今志物候以烏魯木齊爲率其南北之特著者並記之近十餘年來天氣轉寒爲煖物候爲之一變後此者不知更何如也

立春日在女

七政曆日在女三度迪化省城太陽午正高三十度二十五分攝氏寒暑表冰點下二十三度案新疆天氣寒煖無常一月之中屢變其候今僅就丁未戊申兩年所記寒暑表志其大略而已

昏婁中且角中

陰弼于野

太元養首云陰弼于野陽蓋萬物赤之于下弼滿也

時有條風

廣雅東北曰條風史記律書云條風居東北維主出萬物條之言條治萬物而出之北堂書鈔引春秋考異郵云條者生也

凍雪載途

北疆入冬而後雪凍不化愈積愈多南路雪不多見旋落旋消無積於地者

雨水日在虛

七政曆日在虛七度正月中太陽高三十四度三十分攝氏表

冰點下十五度

昏昴中且亢中

明庶風至

廣雅云東方明庶風史記律書云明庶者明衆物盡出也

陽躍于淵

太元從首云陽躍于淵

寒燠不恒

交春之後天氣寒煖無常曉起屋檐纍纍皆成冰箸

驚蟄日在危

七政曆日在危十二度太陽高四十度十六分攝氏表冰點下

十三度

昏參旅中日氏中

陰赤陽白

太元闕上九陰陽啟化其變赤白測日陰赤陽白極則反也司馬光注云闕者閉塞不通之象物極則反故變而開通化生萬物萌赤芽白者也

飲牛

北疆風俗遇驚蟄日家家皆以胡麻油灌牛謂飲之可以卻終年之疾

黑鳥格

黑鳥土人名曰黑巴形類畫眉驚蟄後至巢於牆壁穴中一歲

伏雛二次一在夏至一在立秋秋分後即不復見矣初生灰色

脫毛後純黑上有白點

春分日在室

七政曆日在室七度二月中太陽高四十六度十二分攝氏表

冰點下九度

昏水府中且房中寒熱異常則致星對寒暑皆知水善

市見有葦

茹芹

南疆菜蔬最早省垣所食芹葦皆自吐魯番來北疆之葦率在

清明以後

清明日在壁

七政曆日在壁六度太陽高五十二度三十分攝氏表上至十度

昏南河中旦尾

陽始出奧

太元樂首云陽始出奧司馬光注云清明之陽氣始發出幽奧
寒日滌

凍塗

大戴小夏正傳云寒日滌凍塗滌也者變也變而煖也凍塗者
凍下而澤上多也北疆自清明以後雪消凍釋泥濘滿塗車馬
阻滯

清明風至

廣雅東南清明風史記律書云清明風居東南維主風吹萬物
今新疆北路無論何時吹東南風則熱西北風則寒春時無東

南風則凍不能解萬物亦不化生薛福成云中國在海西北東南風自海吹來故煖西北風自戈壁吹來故寒外洋反是

始雨

出火于室

獲屋

北疆房舍皆以泥塗其頂冬雪堆壓厚至尺餘及春煖消融頂泥坼裂無不滲漏者故雪釋之後家家墜屋謂之上房泥漢書師古注云墜卽今之仰泥也獲按拭也故謂塗者爲獲人大戴禮獲阻以泥之獲卽獲字也

淪渠

新疆土壤膏腴全恃渠水灌溉雪消凍解卽開通渠道以備導

水

宿麥始蘇

苜宿灌淪

說文蕞灌淪讀若萌灌淪卽爾雅之其萌灌淪也

昆小蟲

夏小正昆小蟲傳云昆者衆也由魂魂也者動也小蟲動也其先言動而後言蟲者何也萬物至是動而後著

蝗則爲魚

南疆各城臨河崖岸往往高至數十丈其土層中皆嵌有枯魚無數岸崩則見或露首尾或半身皆長數寸春融山雪消化崖岸被水衝刷魚隨水下枯者頓活斯須之頃皆有縱壑之樂土人云此種魚皆蝗蛹入土或其子所化者案詩衆維魚矣衆爲蠨之省字玉篇蠨蝗也說文蠨或從虫衆聲申培詩說蠨斯美周室多男子詩蠨爲魚故爲豐年言蝗不害稼也蝗子化魚關內關外皆如此不足異也

農及雪澤

夏小正農及雪澤案說文農耕也澤讀爲釋古字通用農及雪

澤謂耕及雪釋之時也今新疆耕種之期視雪釋之早晚亦有
遲至清明後者

穀雨日在奎此不單異也

七政曆日在奎七度三月中太陽高五十八度攝氏表上至二
十度

昏外厨中且箕中

匿裘

新疆寒煖無常然至穀雨以後則煖時多而寒時少雖有時服
裘亦偶然耳說文匿藏也與與篋同

楊坼孚

食苦菜

月令云孟夏苦菜秀呂覽云日至苦菜死亦單謂之苦亦謂之
茶本草云一名茶草一名選名醫別錄云一名游冬生山陵道
旁冬不死桐君藥錄云三月生扶疏六月花從葉出莖直花黃

八月實黑實落根復生冬不枯則游冬之名其取此乎程易疇云苦菜有二種一種爲苦蕒一種北方人呼爲蘘蕒菜也八九月生者葉皆從根出不生莖斷之有白汁其味苦春生者四月中抽莖作花月令孟夏苦菜秀是也花黃如菊其鄂作苞花英之本藏苞中一英下一子子末生白毛如絲英落苞開子末之白毛乃見數以萬計形圓如球所謂茶也蘘蕒菜七月生者有幹有葉節節臺生數葉後又生歧莖花如苦蕒苞開白如球八九月猶盛開其子有形而不實今案苦蕒與蘘蕒俱宿根莖俱有白汁苞中俱有白毛但蘘蕒菜莖長大葉厚苦蕒長祇尺餘莖葉俱較微細耳王伯申謂蘘蕒不結子亦無白毛蓋未目覩也李時珍云苦蕒菜春初生苗有赤莖白莖二種葉似花蘿蔔菜而色綠帶碧上葉抱莖梢葉似鶴齒花黃如野菊一花結子一叢花罷則收斂子上有白毛茸茸隨風飄揚落處卽生今北人通呼爲苦蕒菜亦呼苦蕒菜此說得其實矣

鴻雁來

鳴晨

廣雅曷蜻蛚也曷一作蜚一作蚤李巡爾雅注云蜚一名蟋蟀
蟋蟀蜻蛚也月令季夏之月蟋蟀居壁春秋考異郵云立秋趨
織鳴宋均注云趨織蟋蟀也蟋蟀之鳴皆在夏秋之交今新疆
二三月卽有蟋蟀鳴於床壁之間當是遺種屋內火地薰蒸化
生早也

春麥大麥青稞麥首種干土

廣雅大麥粦也小麥麩也王念孫云李善注典引韓詩薛君
章句云葵大麥也葵與粦同趙歧注孟子云粦麥大麥引詩貽
我來牟來牟對文牟爲大則來爲小矣古謂大爲牟御覽引淮
南子注牟大也大麥故稱牟也玉篇云粦春麥也糞大麥也糞
與穰通齊民要術引崔寔四民月令云凡種大小麥得白露節
可種薄田秋分種中田後十日種美田唯穰早晚無常正月可

種春麥盡二月止是穰麥春麥皆與大麥異物蕭炳四聲本草云穰麥大麥之類山東河北人正月種之名春穰形狀與大麥相似云春穰正月種則卽崔寔所謂正月種春麥者矣形與大麥相似故玉篇以爲辨也今北方人種春麥者多是小麥別有一種大麥二月種之三月卽熟亦春穰之類也御覽引吳普本草云大麥一名穰麥蓋二麥相類故得通名四民月令大小麥外別言種穰藝文類聚引魏黃觀奏亦云小麥略盡惟穰麥大麥頗得半收則大麥穰麥自是二種蘇恭本草注則又以大麥爲青稞麥案齊民要術云青稞麥與大麥同時熟其爲二物甚明蘇說非也今案新疆人喜食春麥謂冬麥面色紅不能作餅與北方相反青稞麥似大麥而粒一如小麥無大麥之外稔色青而黏可以釀酒春時覆種四月卽熟與大麥同農民多和以胡麻豌豆麻子沙棗磨屑以作炒麵甘新兩地之人皆喜食之

植胡豆

御覽引神農本草說生大豆云張騫使外國得胡豆或曰戎菽
舍人樊光李巡郭璞爾雅注皆謂戎菽今以爲胡豆孟康注漢
書徐邈注穀梁傳亦同但依徐邈則胡豆之來在齊桓之世依
本草則在漢武之時蓋二種也廣雅胡豆踴躑也案踴躑卽紅
豆此豆紅色居多莢必雙生故有紅踴躑之名以爲胡豆誤矣
植者說文云早種也魯頌植穉菽毛麥傳云先種曰植後種曰
穉

覆巨勝

本草胡麻一名巨勝廣雅狗虱鉅勝勝宏胡麻也鉅勝卽巨勝
也狗虱言其形色御覽引孝經援神契云巨勝延年宋均注云
世以巨勝爲枸杞子枸杞當是狗虱之訛齊民要術引四民月
令云二月三月四月五月時雨降可種胡麻胡麻油最多新疆
所食者皆胡麻油也

鵝鷓吹于林

爾雅鳩鳩鵲郭璞注云今之布穀也江東呼爲穫穀說文作
枯鷦詩毛傳作枯鞠方言作結誥皆一物淮南天文訓孟夏之
月以孰穀禾鳩鳩長鳴爲帝候歲高誘註云鳩鳩布穀也後漢
書襄楷傳布穀鳴於孟夏是也身灰色翅末尾末並雜黑毛四
月初卽至與內地同太元叟彼衆禽小宋本叟於交反多聲也
燕來降睇室

鄭注月令元鳥歸云歸謂去蟄也王念孫云蟄燕多藏深山大
空木中無毛羽或在抵岸中故藝文類聚引晉中興書云百姓
饑饉握蟄燕食之燕之所居不在異域也今案燕蟄之時羣入
樹腹或穴洞之中彼此以觜插入窠竅聯環銜接副將董南斌
修築舊橋曾於橋空中見之銜接甚緊如死物遊擊蔣松林亦
曾得之於空樹腹中俗謂南歸者妄也夏小正二月來降燕乃
睇室據宋本
有室字傳云燕乙也降者下也言來者何也莫能見其始出
也故曰來降言乃睇何也睇者眇也眇者視可爲室者也百鳥

皆曰巢突穴取與之室何也操泥而就家入人內也九月陟元
鳥蟄傳云陟升也元鳥者燕也先言陟而後言蟄何也陟而後
蟄也今北疆燕子於穀雨後始出蓋天寒故啟蟄遲也

魚出大水叱爲鹿

羅布淖爾大魚至三月間躍出水卽化爲鹿土人名爲魚鹿其
茸無採之者秋後入水仍化爲魚塔爾巴哈台副將楊金榜家
藏一魚皮大厚有如牛皮腥甚據稱三月間赴羅布淖爾水中
躍出一大魚入沙中滾跌數次皮裂出一鹿奔入林中其所得
之皮卽此也叱之言化也詩四國是叱毛傳云叱化也叱與訛
譌爲並同

立夏日在婁

七政曆日在婁十二度太陽高六十二度三十四分攝氏表上
至二十五度

昏軒轅中旦女中

景風至

廣雅云南方景風春秋考異郵云景者大也言陽氣長養也新
疆立夏以後熱風自南來俗名曰火風

啟桃

北疆養桃之法樹無大小至九月中必須壓倒地中上覆草土
其本大者以刀斫一縫使能折壓而止次年清明以後將土鋤

去僅以草覆過四月八日方敢扶起俗言避黑霜也土人相傳四月初八以前必有黑霜一次

過之則桃樹未有不萎者故不過此日不敢啟也扶起則滿樹花皆盛開矣

農率均田

說文均平徧也均田者平均正直之月令孟春之月命田舍東
郊皆修封疆審端徑術鄭注引夏小正農率均田證之則均田
正謂修封疆審端徑術之事孔廣森謂農率為田畷蓋均田之
事皆農率主之猶今各鄉之農管也新疆土田全恃渠水百姓
往往上下爭水致釀大故故農管主持分水輪灌之事

藝稻

廸化近城無種稻者南路如阿克蘇北路如庫爾喀喇烏蘇綏來均稱巨產皆不甚黏當卽段氏說文注所謂稭之類也種稻播穀均在立夏後視渠水之有無節氣之早晚

播穀

穀卽梁也今人謂之小米程易疇云禾穀也始生曰苗成秀曰禾禾實曰粟粟實曰米米名曰梁其大名則曰嘉穀言其色則曰黃茂秦漢以來多溷梁爲稷非也北方以此爲食之主故單呼曰穀其米曰小米者所以別大米之名也今新疆人不以此爲常食

樹稷

廣雅藿梁木稷也王氏疏證云今之高梁古之稷也秦漢以來誤以梁爲稷而高粱遂別名木稷矣又謂之蜀黍博物志云地三年種蜀黍其後七年多蛇王楨農書云蜀黍一名高粱一名

蜀秫一名蘆稌一名蘆粟一名木稷一名荻粱高粱莖長丈許
實大如椒故謂之蜀黍蜀有又謂之木稷言其高大如木高粱不
黏者爾雅所謂粢稷也其黏者爾雅所謂衆秫也故俗又謂之
秫秫以黏者釀酒不黏者作飯九穀考言稷與粱判然兩事後
鄭注大宰九穀易司農黍稷秫爲黍稷粱蓋知稷粱之不可相
兼故並舉之粱今人謂之小米稷今人謂之高粱高粱之種先
於諸穀故月令孟春首種不入注引舊說以首種爲稷也管子
書日至七十日陰凍釋而藝稷日至七十日乃八九之末俗謂
九裏種高粱是也案今土人又以稌爲稷皆無知稷爲高粱者
自程君說出而古誼今名始釋然矣北疆種高粱在種稻之後

種末

說文末豆也藝文類聚引楊泉物理論云菽者衆豆之摠名

蒔瓜

北路天寒雨雪不時瓜秧出土夜必以泥掩覆之過四月八日

霜期始已

蝮蟻鳴

蝮蟻蛙也形較內地瘦小鳴聲絡繹不絕如播鼗天山賦云鼓
鼗變調以鳴琅注云鼗鳴琅琅而鳥語與內地異

翟子出

方言雞雞徐魯之間謂之翟子翟亦省作秋高誘注淮南原道
訓云屈讀秋雞無尾屈之屈雞雛無尾故以為屈說文屈無尾
也今案雞之抱子亦無定時大都在立夏前後耳

雪蛆為魚

雪蛆生雪中有重十數斤者天煖雪融隨水下注輒化為魚故
新疆多無鱗魚食之令人疾

金夫入山

于闐大金廠蘇拉瓦克

一作蘇兒陶克在縣治東南二百餘里

小金廠卡巴山

在縣治東南九百餘里

常年

有人採金至阿格塔克

在縣治東南二千四百里

宰列克山

在縣治西南四百餘里

則採金者夏

令入山秋令出山北疆塔城一帶皆夏入秋冬出

小滿日在昴

七政曆日在昴一度四月中太陽高六十六度三十分攝氏表
上至二十七度

昏翼中日虛中

稷黍

黍與糜一類二物黍黏而糜不黏鄭注內則飯黍稷稻粱白黍
黃粱鄭注云黍黃黍也案黍壳白糜壳黃蓋白黍爲黍黃黍爲
糜也齊民要術云夏種黍稷說文稷糜也今新疆人鮮食糜者

馬蘭華

鹿角解

馬蘭開花之時鹿角發癢以頭相觸角墜落堆於一處獵者往
往於深山中得一堆至百餘架脫後新茸五六日卽生於此時
茸最佳獲一架者可得善價

鳥翼殼卵

爾雅生哺殼郭璞注云鳥子須母食之魯語云鳥翼殼卵司馬彪注莊子齊物論云殼鳥子欲出則在卵已謂之殼矣

芒種日在畢

七政曆日在畢七度太陽高六十八度五十一分攝氏表上至二十七度

昏軫中且危中

初禪

夏小正往褰黍禪傳云禪單也謂初著單衣也今新疆人三四月間尚著綿衣至五月後始有衣單者然遇天寒仍著綿皮

沙棗藟

沙棗生於沙磧大如指淡黃色皮厚能食而澁此果爲塞外寒地所產甘肅亦有之天山賦云沙棗纂纂而遺香注云五月初
開花極香

甚熟

南疆二月桑生芽四月尾甚熟烏垣市中所見者皆自吐魯番來者也煎膏食之可以清熱祛痰

繭成

唐史載于闐蠶蛾飛盡治繭為絲蓋西域蠶桑之利自昔盛行亂平之後左文襄公於南路創設蠶桑局試辦數年雖無大效然風氣已開和闐葉城洛浦皮山諸地多有以此為業者但纏民愚惰樹桑飼蠶不得其法故無厚利丁未之歲檄已革副將浙江趙貴華考察南疆土宜設立蠶桑局教民養蠶諸法州縣官吏即以此為考成二年以來絲繭之利多於往年數倍

約得黃白二繭五十餘筋每繭一筋售銀一錢五六分近長至二錢二三每繭十筋可得淨絲一筋英俄商賈販繭出境者歲一百五十

餘萬筋數年而後必擅西方大利可券也其蠶三月十五前後生蟻至五月初間大眠止繭成熟矣

萬物決蘭

太元密首云陽氣親天萬物決蘭王涯注云丸蘭盛大貌

夏至日在參

七政曆日在參六度五月中太陽高六十九度四十一分攝氏

表上至二十八度

昏角中且室中

萃萃

萃萃草蒺藜屬駱駝所食也廣雅萃出也集韻云草孚甲出也

游駝於野

養駝之家每於夏至後萃草生葉之時卽卸駝謂之卸廠立秋

後起駝謂之起廠

負螿鼓其翼

詩之草蟲爾雅之草螿負螿也陸璣詩疏謂大小長短如蝗奇

音青色郝懿行云今驗一種青色善鳴者登萊人謂之聒子濟

南人謂之聒聒音並如乖順天人亦謂之聒聒音如哥體青綠

色比蝗蠱短狀類蟋蟀磨翼而其鳴其音清滑及至晚秋鳴聲猶壯詩出車箋草蟲鳴晚秋之時及陸疏音奇青色唯此足以當之案聒聒甘肅謂之叫螞蚱又謂之秋蟬獨謂之叫姑姑此物有青灰二色關內者皆短翅蠱身聲音高朗新疆則翅長過其身形較小鳴聲細短不絡貫嘶喇而已夏至後卽見之此與說文之臭蟲負蝥同名異物

葦菁

廣雅葦蠶菁其華謂之菁齊民要術引四民月令云七月藏葦菁今案葦菜華搗爛浸以鹽北方人好食此菜天津商人在新疆者出露之卽鄭衆周禮醯人注所謂葦菹也

百合始榮

新疆百合肥美爲天下之冠七月間熟人皆採食玉篇云葩花榮也夏小正榮鞠榮芸皆是

厥民窟居

魏書高昌傳地無雨雪而極熱每盛暑居人穿地爲穴以居案其地多火山北郊近城諸山皆黃赤色無寸草三四月內炎熱甚於閩粵當暑必入地室名曰地窖商旅皆卜以夜然城北天山則盛夏積雪不消詩云郎披狐貉妾披縑隔嶺相看兩不嫌一樣地形天氣異庭州多雪火州炎凡人處熱帶之下婦女容貌易衰今吐魯番纏婦至三十無不衰老者

鴻雁毳毛

夏至以後鴻雁周身毛羽皆脫形如湯雞羣集水邊覓食葉城知縣張應選在昌吉親見之士人云年年如此秋後卽南歸廣韻毳鳥易毛也郭璞江賦產毳積羽李善注云字書曰毳落毛也毳與毳同

小鳥孚大鳥

詩義疏云桃蟲今鷦鷯是也微小於黃雀其雛化而爲鷦鷯林亦謂桃蟲生鷦鷯或云布穀生子鷦鷯養之今案或說近是而非

戊申夏見叢樹中有一小雀巢生卵四枚綠色有花紋一卵較
大尤綠嘗使人視之未幾生子其一大於三雛小雀哺之次第
啄三雛之肉食其大者久之長成則布穀也據此則鷓鴣子非
布穀子也鷓鴣生鷓其謂此歟

小暑日在井

七政曆日在井十度太陽高六十八度五十一分攝氏表上至
二十九度

昏亢中且壁中

河柳華

近代坊間所刻摺紳全書新疆迪化府庫爾喀喇烏蘇廳土產
均載柳花此柳異於常柳無大樹巨枝叢生河側每叢千百爲
條葉如常柳條作紫色今年結花明年卽歇枝花極繁密土人
於六月初採之花以小爲貴鮮時內有蟲蟲細如線長二分許
血紅色花大則無花乾亦無迪化府屬間有此柳惟庫爾喀喇

烏蘇廳所屬東至烏蘭烏蘇二百餘里皆產有柳花然每處不過數叢奎屯河所產最佳花尖瓣重疊與葉同色以之代茶勝於龍井色綠香清而性涼能滌腹垢消三焦邪火乾隆年間及光緒二十八年曾以之入貢

席萁秀

漢書西域傳顏師古注白草似莠而細無芒其乾熟時正白色牛馬所嗜也徐松云白草春發新苗與諸草無異冬枯而不萎高三四尺性至堅韌以之織物其用如竹惟哈喇沙爾城東特伯勒古地產者最堅實心可爲箸案白草卽席萁草俗呼芨芨草又曰集吉草西域處處有之李賀塞下曲曰秋盡見旄頭沙遠席萁愁酉陽雜俎云席萁一名塞蘆引古詩千里席萁草爲證元稹代書詩自注云余以席萁草常在書囊以佐飲酒岑參詩北風捲地白草折卽謂此也烏魯木齊雜記云芨芨草卽漢書息雞草土音訛也席萁息雞音一而字二皆白草也

戴勝降

爾雅鷓鴣戴鷩郭璞注云鷩卽頭上勝今亦呼爲戴勝鷓鴣猶鷓鴣語聲轉耳方言誤以爲鷓鴣郭璞云爾雅鷓鴣卽布穀非戴勝也今案戴勝卽俗呼之割麥插禾鳥頭上有毛冠如華勝之勝故云戴勝與布穀別爲一類此間於五月杪六月初至不在季春之月也

農乃登麥

夏至後冬麥先熟春麥青稞麥至七月始收近南山者收麥多在九月中旬往往有被雪壓次年雪消始收者氣候之相懸若此

大暑日在井

七政曆日在井二十五度六月中太陽高六十六度三十分攝氏表上至三十六度

昏氏中日奎中

晏入元泉

太元踦贊云凍登赤天晏入元泉范望注云凍至寒也而天至高也晏至熱也而泉至深也凍在天上故首也司馬注云赤陽之盛也元陰之極也凡物極則反

天漢拭屋脊

竹葉亭雜記云夏小正漢核戶謂天河也獻山言吐魯番於六月望河乃當東廂屋脊蓋其地在天河之西也拭者說文云當也

枸杞實

枸杞老滿城最盛回亂之後廬舍邱墟滿地徧生枸杞或謂碧血所化中衛枸杞皆人家種植以水灌溉謂之水枸杞此地則皆旱枸杞也實碩而甘勝於中衛滋補藥也歲出值二三萬兩

番鞠榮

番鞠六月菊也俗名江西蠟紀昶云烏魯木齊泉甘土沃雖花

草亦皆繁盛江西蠟五色畢備朶若巨杯葳蕤如洋菊此爲西域特產九月菊亦有之霜降後始華
立秋日在柳

七政曆日在柳五度太陽高六十二度三十四分攝氏表上至二十四度

昏房中日婁中

陽日舍

太元度首云陰氣日躁陽氣日舍宋衷云舍藏也

閭闔風至

廣雅云西方閭闔風北堂書鈔引春秋考異郵云閭闔者咸收藏也

別羊

牧羊者於立秋後翦毛名曰秋毛絨多毛細能獲善價再遲翦則入冬毛生不齊易於凍斃別卽說文翦字吳子治兵篇說畜

馬之法云刻剔毛鬣莊子馬蹄篇云燒之剔之皆謂斷其毛也
起駝

北疆各種民牧駝之家每歲載貨由迪化至俄斜米省約計一
萬五千隻每駝價銀十兩所馱之貨以皮毛棉花葡萄爲大宗
處暑日在星

七政曆日在星三度七月中太陽高五十八度攝氏表上至二
十四度

昏尾中日昴中

食葡萄

葡萄自山南夾處暑後始成熟無酸味吐魯番歲出三百餘萬
觔

石蓮華

石蓮諸書皆不載今博克達山中有之華白大如碗似荷花瓣
層疊紫蕊葉似萵苣生於水邊石上七月開花山中採藥者年

年以此相貽言花開時採之其香觸鼻令人昏暈其性極熱治婦人血疾與雪蓮同功此西域特產也

白露日在張

七政曆日在張十度太陽高五十二度攝氏表上至十八度

昏宗人中且畢中

哈密瓜入于市

紀昀云哈密瓜充貢品祇熟至五六分途間封閉包束瓜氣蒸鬱至京可熟至八分運熟者則霉爛矣京師園戶種至三年形味俱變哈密王蘇賚滿言此地土煖泉甘而無雨故瓜味濃厚種於內地固應少減然亦養子不得法如以今年瓜子明年種之雖此地味亦不美得氣薄也其法當以灰培瓜子置於不溼不燥不空倉年愈久愈佳有培至十四五年者哈密瓜爲纏民特產形似蠶繭皮綠色外纏白絲紋如蛛網味甘而脆種法不
僅灰培必用苦豆不然則不甘美他處種者祇具其形而已凡

瓜甜而美者皆自哈密來也

農乃斂穀

種麥

此冬麥也白露秋分皆種之種後出土一二寸始上凍者佳遲則地寒不能發生冬雪一壓大半紅朽來歲必歉收故種冬麥者夏日卽犁地備種也

霜隕

草木殤黃

大戴禮用兵篇云草木殤黃殤與蒸通說文蒸菸也菸殘也

秋分日在翼

七政曆日在翼六度八月中太陽高四十六度十二分攝氏表上至十八度

昏織女中且參中

撫木棉

木棉生於南路以吐魯番爲巨產歲出三百餘萬觔三月種七月花八月實

剝果

秋分前後綏來之蘋婆庫車之梨吐魯番之葡萄喀什之石榴皆至於市

黑鳥絕聲

元鳥降于幽

太元晦次六元鳥維愁明降于幽測曰元鳥維愁將下昧也降幽即下昧謂入蟄也燕將入蟄必羣飛高翔十餘日卽入蟄不見故夏小正云陟元鳥蟄蓋陟而後蟄也

寒露日在軫

七政曆日在軫五度太陽高四十度十六分攝氏表上至十三度

昏斗中且井中

鴻裝于南

太元裝次五鴻裝于淄衝云裝徙鄉也

築場

詩豳風九月築場圃十月納禾稼北疆俗候正與古同蓋自幽
以西無不然也

積稻

聘禮注云筥穡名也今涑易之間刈稻聚把有名爲筥者疏云
筥穡一也說文云穡穫刈也一曰撮也

金夫出山

霜降日在角

七政曆日在角七度九月中太陽高三十四度三十分攝氏表
上至十一度

昏建星中且柳中

萬物喪明

太元晦首云陰登于陽陽降于陰物咸喪明王涯注云萬物恃陽以爲明陽降則物喪其明

弇桃

始裘

元駒賁

夏小正十有二月元駒賁戴傳云元駒也者蠃也賁者何也走於地中也今蟻之賁霜降以後卽不復見矣

雪

北疆天氣無常有中秋卽雨雪者

立冬日在氏

七政曆日在氏初度太陽高三十度二十五分攝氏表上至七度

昏河鼓中且星中

陰形胼冒

太元堅首云陰形胼冒陽喪其緒宋衷云胼謂盛也緒業也謂是時陰氣壯盛陽喪其業无能爲矣

萬物悉噙

太元噙首云萬物各噙衝云噙不通也噤同

廣莫風至

史記律書云廣莫風居北方廣莫者言陽氣在下陰莫陽廣大也

銍菽

菽蕎麥也北人謂之冷子詩臣工奄觀銍艾毛傳云銍穫也凡菽子菜子見霜後始收穫

入火于室

北疆值八九月間卽雨雪寒氣逼人立冬以後室中無不生火者迪化煤炭爲西方特產與靈州鎮番之煤相似但然之須待黑色退盡方無薰閉眩暈之禍富貴之家多用洋爐燒煙炭室

熱而無煤氣纏民則砌六稜高爐於屋角煙竈外出亦洋爐法而地中火洞用以燒坑其法尤內地所不及

徙牧於山陽

牧廠曰冬窩夏窩亦曰冬廠夏廠夏秋蚊蟲盛時移牧深山之中謂之夏窩至冬時雪降草被壓覆則徙牧於山陽及沙窩之中謂之冬窩此常例也

小雪日在氏

七政曆日在氏十六度十月中太陽高二十五度五十四分攝氏表上至四度

昏虛中且酒旂中

滌場

秋禾收畢露積於場次第打

郭注方言云佛今連枷所以打穀者

擊

說文佛擊禾連枷也

簸揚至十月落

雪以前悉收入倉場即淨矣甘肅有露積場中逾年者情可知也

窖菜

十月起菜收入地窖中以備冬春之食詩所謂旨蓄禦冬也白菜雖大暑卽種早起味苦必俟立冬後始起雪中起出者更佳蓋土性然也

鸞雀巢

爵巢土語所謂靈雀窩也靈雀卽廣雅之工雀方言謂之桑飛謂之工爵謂之過羸謂之女匠謂之鸞鳩謂之懷爵玉篇云女匠巧婦也又名鸞雀詩之桃蟲荀子之蒙鳩莊子之鵲鳩皆是物也毛詩義疏云鸞鳩似黃雀而小其喙尖如錐取茅秀爲巢以麻紮之如刺襪然縣著樹枝或一房或二房幽州人謂之鸞鳩或曰巧婦或曰女匠或曰巧女案以鸞鳩爲此鳥蓋韓詩之說觀詩下文綢繆隔戶恩勤鸞子之詞正與此鳥相合其詛爲長非鸞屬之鸞鳩也其組窩織精密形如氈襪疑方言之懷爵爲襪爵之譌近人多以其窩襯作護膝套褲以愈寒疾而窩內

有遺矢者尤貴研細絮之其功勝於金絲絨皮蓋是雀生於嚴寒之地其性極熱又多是駝羊等毛爲之故可以愈寒疾雀狀如麻雀而小生於布倫托海一帶其營巢也每在樹枝遠出河中者爲之懼人之取之也其繫或馬尾或聯其窩於枝頭其戶所向必其方風少有前後兩戶者爲雀之首領所居蒙哈之民得之輒獻其酋長貴之也人取是窩必在冰凍之時鬻於市者無定數也

大雪日在心

七政曆日在心七度太陽高二十三度三十三分攝氏表冰點下三度

昏危中旦軒轅大星中

獵人出

北疆多彪虎封豕糜鹿之屬冬時獵者多鬻於市

大雪聖山

十月以後雪滿山谷道路不通俗謂之封山伊犁之果子溝哈密之天山必至春煖雪消方通車馬說文堊塞也與堊同

鳴鷹

西域天山終年常雪每值大雪之日山路途失行者聞鷹聲往卽之必歸正路三州輯略謂之神鷹天山賦云雪鷹喚迷途之返是也

冬至日在尾

七政曆日在尾十四度十一月中太陽高二十二度四十三分攝氏表冰點下八度

昏室中且張中

黃純于潛

太元礮初一黃純于潛不見其畛司馬注云黃者陽氣未見猶在地之中也

冬青生

水磨溝在省城東五六里泉水夏涼冬熱天寒則水氣薰騰如沸湯有草葉似浮萍土人呼爲冬青凡泉水甫出溝處皆生之天氣愈寒其色愈綠至春暖後則乾枯矣

食雪雞

雪雞形似鷹比家雞畧大毛色如蘆花產雪山深處性熱治婦女血疾冬至後始肥

小寒日在斗

七政曆日在斗五度太陽高二十三度三十三分攝氏表冰點下二十四度

昏壁中且翼中

太陰凍沍

太元勤首云太陰凍沍懸創於外

燿魚

烏垣至十二月間南北冰魚皆集於市其取魚之法鑿冰爲孔

至夜燃火於旁魚見火光皆躍而出一夜有獲二三千觔者北
之額爾濟斯河南之開都河出魚最多惟額爾濟斯河所產白
魚味佳開都河魚重有二三十觔者卽山海經所謂鮭魚其味
腥魚子尤不可食令人腹泄案此卽賈子燿蟬之術

大寒日在牛

七政曆日在牛二十二度十二月中太陽高二十五度五十四
分攝氏表冰點下二十三度

昏奎中且軫中

凍登赤天

冰燕涅生

冰燕生於冰山比家燕小形色皆相似羣飛巢於冰雪之中每
極寒時卵於冰上不待孚伏卵裂自生出卵後日食冰雪月餘
毛羽豐滿總兵徐學功同治初被難博克達山中曾見之士人
呼爲冰燕方言涅化也雞伏卵而未孚始化之時謂之涅

礶砂

竹葉亭雜記云礶砂出庫車徐星伯云其山無名在唐呼爲大鵲山其山極熱夜望之如列燈取砂者春夏不敢近雖極冷時人去衣著一皮包露兩目入洞鑿之然不過一兩時而皮包已焦其砂著石上紅色星星取出者皆石塊每石千數觔不過有砂一二釐許携此者用瓦纒盛石密封其口纒不可滿蓋火氣太重滿則熱甚砂走然受風亦走受潮亦走賈人携此每行十數日遇天氣清明無風時揭其封以出火氣星伯過庫車時曾携數十石密封之及抵伊犁則石皆化成黃粉而砂已不見矣故携此甚難卽其地亦不易得惟白色成塊者不化乃其下等也然可以及遠內地所謂礶砂卽此耳案今每歲檄取庫車礶砂卽其下等者以作電局之用說文礶上捅山巖空青珊瑚墮之周禮有礶族氏礶與礶同廣雅擗取也或作礶